

MESYUARAT PERTAMA, PENGGAL KEEMPAT  
PARLIMEN KEEMPAT BELAS  
2021

**HARI KHAMIS : 7 OKTOBER 2021**

**JAWAPAN-JAWAPAN BAGI PERTANYAAN-PERTANYAAN JAWAB  
LISAN YANG TIDAK DIJAWAB DI DALAM DEWAN  
( SOALAN NO. 10 HINGGA NO. 77 )**

**NOTA: [RUJUK PENYATA RASMI HARIAN (HANSARD)]**

PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIEN KEEMPAT BELAS 2021

**PERTANYAAN : LISAN**

**DARIPADA : TUAN KHOO POAY TIONG (KOTA MELAKA)**

**TARIKH : 7 OKTOBER 2021 (KHAMIS)**

**SOALAN**

**TUAN KHOO POAY TIONG (KOTA MELAKA)** minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan sama ada Kementerian bercadang untuk mengawal harga caj komisen yang dikenakan oleh syarikat-syarikat penghantar makanan seperti Grabfood yang mengenakan caj sehingga 30% kepada kedai-kedai.

**JAWAPAN**

**Tuan Yang Di-Pertua,**

Kementerian sedar dan mengambil maklum bahawa industri penghantaran makanan atau *p-hailing* ini telah mula menjadi satu keperluan utama kepada pengguna dan peniaga lebih-lebih lagi dalam tempoh pandemik Covid-19 ini.

Mengambil kira faktor industri *p-hailing* yang semakin berkembang, sebarang cadangan untuk mengawal **kadar caj komisen ini secara dasarnya adalah lebih mencabar dan memerlukan kajian yang menyeluruh melibatkan pelbagai Kementerian lain** yang berkaitan.

Walau bagaimanapun, sebagai langkah proaktif, Kementerian ini telahpun **mengadakan beberapa sesi libat urus secara langsung bersama-sama dua (2) syarikat *p-hailing* utama** di negara ini bagi membincangkan pelbagai isu termasuklah berkaitan kadar caj komisen yang dikenakan kepada vendor.

Susulan daripada sesi libat urus berkenaan, syarikat-syarikat berkenaan telah bersetuju untuk melihat semula secara keseluruhan pendekatan yang boleh diambil **supaya kadar caj komisen dapat dikurangkan dan insentif tambahan ditawarkan lebih banyak kepada peniaga kecil.**

Kementerian juga telah **merangka cadangan penambahbaikan dan penyelesaian isu-isu berkaitan perkhidmatan *p-hailing*** yang akan dikongsi bersama syarikat berkenaan supaya satu pelan atau model perniagaan yang lebih dinamik dapat dilaksanakan. Ini adalah termasuk **cadangan pengenalan caj komisen dan pakej yang lebih fleksibel kepada vendor** terutamanya dari kalangan peniaga kecil.

Pada masa yang sama, Kementerian sentiasa **menggalakan lebih banyak pemain industri baharu menyertai perkhidmatan *p-hailing*** supaya peniaga-peniaga kecil khususnya dapat mengambil peluang yang lebih baik dari segi promosi termasuklah caj komisen yang lebih rendah.

Segala usaha dan inisiatif khas yang diberikan oleh syarikat *p-hailing* ini secara keseluruhannya akan membantu vendor yang terkesan terutamanya dalam tempoh Covid-19 ini. Kementerian ini akan **sentiasa memastikan supaya vendor dan pengguna mendapat manfaat yang sewajarnya** daripada syarikat *p-hailing* dari semasa ke semasa.

Kementerian turut memberi **kerjasama yang berterusan dengan Agensi Kerajaan berkaitan** dalam mencari jalan penyelesaian termasuklah Kementerian Pengangkutan Malaysia dan Suruhanjaya Komunikasi dan Multimedia Malaysia. Sesi ini adalah amat penting supaya tindakan pengawalseliaan industri *p-hailing* ini dapat dilaksanakan pada masa akan datang untuk mencapai ekosistem perdagangan yang lebih harmoni dan inklusif.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS**

**PERTANYAAN : LISAN**

**DARIPADA : TUAN AHMAD JOHNIE BIN ZAWAWI  
[ IGAN ]**

**TARIKH : 7.10.2021 (SELASA)**

**SOALAN**

**TUAN AHMAD JOHNIE BIN ZAWAWI** minta **MENTERI PEMBANGUNAN LUAR BANDAR** menyatakan berapa jumlah TABIKA KEMAS di Sarawak dan berapa jumlah yang perlu dibaik pulih segera dan sejauh mana tindakan Kementerian dalam memastikan TABIKA KEMAS ini sentiasa diselenggara dan dapat beroperasi dengan selamat dan kondusif. Dan daripada jumlah berkenaan berapa jumlah TABIKA KEMAS yang terlibat di kawasan Parlimen Igan.

**JAWAPAN**

**Tuan Yang di-Pertua,**

Sehingga September 2021, Sarawak mempunyai sebanyak 1,430 buah TABIKA di seluruh negeri. Daripada jumlah tersebut, Parlimen Igan mempunyai sebanyak 51 buah TABIKA yang sedang beroperasi. Daripada jumlah berkenaan sebanyak 3 buah yang dikategorikan sebagai TABIKA Daif di Kawasan Parlimen Igan.

Pada tahun 2021 sebanyak 74 permohonan baikpulih dan naik taraf TABIKA telah diterima oleh KEMAS Negeri Sarawak dari semua kawasan Parlimen. Daripada jumlah tersebut, hanya 20 projek sahaja yang telah diluluskan dan sedang dilaksanakan yang melibatkan peruntukan berjumlah RM1.155 juta. Walau bagaimanapun, projek baikpulih tahun ini tidak melibatkan TABIKA di Parlimen Igan.

Untuk makluman Yang Berhormat juga, pada tahun 2021 sebanyak empat (4) buah projek bina baru TABIKA KEMAS telah diluluskan di Sarawak.

Bagi memastikan TABIKA KEMAS ini sentiasa dapat diselenggara dan dapat beroperasi dengan selamat dan kondusif, Kementerian melalui KEMAS juga sentiasa memantau keadaan fizikal bangunan TABIKA melalui Pemantauan Pengurusan yang dilaksanakan sepanjang tahun.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT, PARLIMEN  
KEEMPAT BELAS TAHUN 2021**

**PERTANYAAN : LISAN**

**DARIPADA : DATUK HAJI HASANUDDIN  
BIN MOHD YUNUS [HULU LANGAT]**

**TARIKH : 7 OKTOBER 2021 [KHAMIS]**

**SOALAN**

**DATUK HAJI HASANUDDIN BIN MOHD YUNUS [HULU LANGAT]** minta **MENTERI PERUMAHAN DAN KERAJAAN TEMPATAN** menyatakan bagaimana Kementerian memastikan PBT memantau pekerja-pekerja pemungut sampah yang dijangkiti COVID-19 kerana ada kawasan yang sampahnya tidak dikutip selama sehari-hari kerana ramai pekerja pemungut sampah dan pemandu lori sampah dijangkiti COVID-19.

**JAWAPAN**

**Tuan Yang di-Pertua,**

Untuk makluman Ahli Yang Berhormat, Kementerian Perumahan dan Kerajaan Tempatan (KPKT) melalui Pihak Berkuasa Tempatan (PBT) dan Perbadanan Pengurusan Sisa Pepejal dan Pembersihan Awam (SWCorp) sentiasa memantau dan mengawal selia perkhidmatan pengurusan sisa pepejal dan pembersihan awam agar memenuhi tahap perkhidmatan dan standard yang terbaik. Dalam hal ini, pekerja perkhidmatan kutipan sisa pepejal dan pembersihan awam akan dipastikan telah mendapat vaksinasi sepenuhnya. Sekiranya berlaku kes jangkitan COVID-19 ke atas pekerja, pihak syarikat pemungutan sisa pepejal dan pembersihan awam yang dilantik akan memastikan bahawa pelan operasi perkhidmatan bagi penggantian pekerja akan dilaksanakan agar penyampaian perkhidmatan pengurusan sisa pepejal dan pembersihan awam ini lebih sistematik dan berkesan.

KPKT melalui SWCorp memantau dan mengawal selia perkhidmatan kutipan sampah di tujuh (7) buah negeri yang menerima pakai Akta Pengurusan Sisa Pepejal dan Pembersihan Awam 2007 (Akta 672) iaitu Wilayah Persekutuan Kuala Lumpur dan Putrajaya, Johor, Melaka, Negeri Sembilan, Pahang, Kedah dan Perlis. Bagi tujuh (7) negeri yang menerima pakai Akta 672 ini, tanggungjawab kerja-kerja kutipan sampah adalah di bawah kawalan syarikat konsesi yang dilantik iaitu Syarikat Alam Flora Sdn. Bhd., Syarikat SWM Environment Sdn. Bhd. dan Syarikat Environment Idaman Sdn. Bhd. dan diselia sepenuhnya oleh SWCorp.

SWCorp melalui syarikat konsesi akan memastikan setiap pekerja konsesi akan divaksinasi sepenuhnya. Sekiranya mana-mana pekerja konsesi yang positif COVID-19 maka pihak konsesi telah menyediakan pelan tindakan bagi menggantikan pekerja yang positif COVID-19. Bagi negeri-negeri yang tidak menerima pakai Akta 672 pula, tanggungjawab menyelia pekerja-pekerja kutipan sampah akan dibuat sepenuhnya oleh PBT.



## NO. SOALAN : 12

Antara langkah-langkah yang diambil oleh pihak pengurusan kutipan sampah dan pembersihan awam di kawasan PBT bagi membendung wabak COVID-19 adalah seperti berikut:

- (i) sentiasa memberi peringatan supaya semua pekerja mematuhi arahan dan SOP dari Majlis Keselamatan Negara dan Kementerian Kesihatan Malaysia;
- (ii) memastikan pekerja-pekerja yang terkesan dikuarantin;
- (iii) melakukan aktiviti nyahkuman di kawasan depot, rumah pekerja, lori kompaktor dan tong yang terlibat;
- (iv) menjalankan saringan COVID-19 kepada pekerja;
- (v) memastikan semua pekerja yang terlibat dalam kutipan sampah dan pembersihan telah mendapat vaksinasi sepenuhnya;
- (vi) membekalkan alat ujian sendiri (*self test kit*), bahan nyahkuman (*sanitizer*) dan pelitup muka kepada pekerja;
- (vii) menyediakan pasukan *back up* untuk mengatasi isu pekerja positif COVID-19; dan
- (viii) memastikan pekerja memakai PPE (Personal Protective Equipment) yang lengkap dan sempurna, pelitup muka dan sarung tangan bagi aktiviti kutipan sampah dan pembersihan awam di kawasan yang berisiko.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS 2021**

---

**PERTANYAAN : LISAN**

**DARIPADA : TUAN LUKANISMAN BIN AWANG SAUNI  
[ SIBUTI ]**

**TARIKH : 7 OKTOBER 2021 (KHAMIS)**

**SOALAN**

**TUAN LUKANISMAN BIN AWANG SAUNI [ SIBUTI ]** minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan adakah Kementerian telah mengkaji siling harga Kit Ujian Kendiri COVID-19 dan menetapkan harga pada sekitar RM15 ke bawah memandangkan harga ketika ini sangat mahal dan apakah tindakan Kementerian mengenai penjualan Pulse Oximeter palsu di pasaran.

**JAWAPAN**

**Yang di-Pertua,**

Dalam membuat penetapan harga kit ujian sendiri Covid-19, Kementerian telah mengadakan sesi libat urus dengan pemegang-pemegang taruh dalam industri kit ujian sendiri Covid-19 termasuk fasiliti farmasi dan klinik. Penelitian dari segi kos pengeluaran dan kos pengimportan telah dibuat dan di analisa.

Kementerian telah menetapkan harga maksimum kit ujian pantas antigen covid-19 (ujian sendiri) bagi borong RM16.00 seunit dan runcit RM19.90 seunit. Penetapan harga maksimum telah diwartakan dan berkuatkuasa pada 5 September 2021 melalui P.U (A) 348 Perintah Kawalan Harga Dan Antipencatutan (Penentuan Harga Maksimum) (No.7) 2021.

Pelaksanaan pemeriksaan serta pemantauan ke atas penjualan kit ujian pantas antigen COVID-19 ini sedang dilaksanakan bermula 5 September 2021. Sehingga 6 September 2021, sebanyak 293 premis telah diperiksa membabitkan 32 premis borong dan 261 premis runcit dan daripada pemeriksaan tersebut sebanyak 2 amaran dikeluarkan kerana menjual melebihi harga maksimum yang ditetapkan.

Berkaitan penjualan Pulse Oximeter palsu di pasaran pula, tindakan di ambil di bawah Akta Cap Dagangan 2019 pada mana-mana peniaga yang didapati menjual atau menawarkan untuk jualan barang-barang yang suatu cap dagang berdaftar dipakaikan dengan salah dan apabila disabitkan boleh didenda seperti berikut:

- a) Individu: Denda tidak melebihi RM10,000.00 bagi setiap barang yang memakai cap dagang secara salah
- b) Syarikat: Denda tidak melebihi RM15,000.00 bagi setiap barang.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS TAHUN 2021**

**PERTANYAAN : JAWAB LISAN**

**DARIPADA : TUAN SIM TZE TZIN [ BAYAN BARU ]**

**TARIKH : 7 OKTOBER 2021 (KHAMIS)**

**SOALAN**

**TUAN SIM TZE TZIN [ BAYAN BARU ]** minta **MENTERI SUMBER MANUSIA** menyatakan tindakan Kementerian kepada majikan yang tidak bayar gaji pekerja (pada hari kes) akibat kilang atau tempat kerja tutup kerana berlaku kes COVID19. Apakah tindakan atau tuntutan yang boleh diambil oleh para pekerja yang mengalami kerugian atau pemotongan gaji sedangkan mereka sihat dan bersedia untuk bekerja.

**JAWAPAN**

**Tuan Yang Di Pertua,**

Kementerian Sumber Manusia (KSM) sentiasa memainkan peranan penting dalam hal ini bagi memastikan semua pekerja dalam industri, tidak kira sektor dilindungi dan mendapat faedah-faedah minimum di bawah undang-undang perburuhan negara.

Dalam tempoh PKP dan PPN ini, tanggungjawab majikan tetap sama iaitu bertanggungjawab membayar gaji penuh sepanjang tempoh ini, melainkan terdapat persetujuan antara majikan dan pekerja untuk membuat tindakan pengurangan gaji, cuti tanpa gaji, cuti separuh gaji dan sebagainya.

KSM melalui Jabatan Tenaga Kerja (JTK) sentiasa memantau perkembangan kes melibatkan pembayaran gaji pekerja dalam tempoh PKP atau PPN ini. Pekerja yang terkesan dengan tindakan majikan yang mengarahkan cuti tanpa gaji atau pengurangan gaji tanpa persetujuan pekerja, atau gagal membayar gaji untuk tempoh ini boleh membuat pengaduan di mana-mana Pejabat Tenaga Kerja berhampiran untuk tindakan penyiasatan dan pendengaran tuntutan di Mahkamah Buruh.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS**

**PERTANYAAN : LISAN**

**DARIPADA : TUAN RAMLI BIN DATO' MOHD NOR  
[ CAMERON HIGHLANDS ]**

**TARIKH : 07.10.2021 (KHAMIS)**

**SOALAN**

**TUAN RAMLI BIN DATO' MOHD NOR** minta **MENTERI PEMBANGUNAN LUAR BANDAR** menyatakan apakah langkah yang dilakukan oleh pihak Kementerian dalam menyelesaikan masalah pelajar-pelajar Orang Asli yang ketiadaan kemudahan dan capaian internet yang lemah untuk mereka melaksanakan kaedah Pengajaran dan Pembelajaran di Rumah (PdPR).

**JAWAPAN**

**Tuan Yang di-Pertua,**

Pihak Kementerian melalui Jabatan Kemajuan Orang Asli (JAKOA) senantiasa berkerjasama dengan Kementerian Pelajaran Malaysia (KPM) dalam menyediakan bantuan pendidikan kepada murid-murid Orang Asli di seluruh negara. Seperti sedia maklum, majoriti masyarakat Orang Asli tinggal di kawasan pendalaman yang tidak ada capaian internet atau lemah. Bagi memastikan murid-murid Orang Asli ini tidak tertinggal dalam pelajaran walaupun mengikuti Pengajaran dan Pembelajaran di Rumah (PdPR), pihak Jabatan telah membuat beberapa langkah bagi membantu menangani isu ini.

Di antara langkah yang telah diambil oleh pihak Kementerian dalam menangani isu ini adalah melalui Kerjasama dengan Jabatan Pendidikan Negeri dan Daerah bagi menyusun jadual penghantaran bahan-bahan pengajaran yang disediakan oleh pihak sekolah ke

## **SOALAN NO : 15**

kawasan perkampungan Orang Asli yang tidak mempunyai liputan internet dengan menggunakan kenderaan JAKOA.

JAKOA pada peringkat daerah pula telah menyediakan kertas dan perkhidmatan mesin penyalin untuk memudahkan para guru mencetak bahan-bahan pembelajaran untuk diedarkan ke perkampungan Orang Asli. JAKOA dengan kerjasama Jawatankuasa Pembangunan dan Keselamatan Kampung Orang Asli (JPKKOA) menyediakan tempat yang bersesuaian serta mempunyai liputan capaian internet yang baik bagi memudahkan pihak guru mengajar secara atas talian.

Dengan cara ini, pihak guru boleh meneruskan proses pembelajaran dalam talian walaupun guru berada di luar perkampungan tersebut. Bagi langkah untuk jangka masa panjang, pihak JAKOA cuba mendapatkan sumbangan peranti dari anak syarikat KPLB, syarikat persendirian dan Badan Bukan Kerajaan (NGO). Langkah Kerajaan juga disambut baik dalam penambahbaikan komunikasi digital negara di bawah Rancangan Malaysia ke -12 (2021-2025) dengan pelaksanaan pelan tindakan Jalinan Digital Negara (JENDELA), diharap akan merangkumi kawasan-kawasan perkampungan Orang Asli di seluruh negara agar capaian liputan perkhidmatan jalur lebar menyeluruh dan berkualiti tinggi.

Selain daripada itu, hebahan informasi dan galakan penyertaan murid-murid Orang Asli bagi mengikuti proses pembelajaran melalui TV Pendidikan.

Walaupun dalam keadaan pandemik dan PKP, pelajar Orang Asli berjaya mengatasi isu ini dengan dibuktikan pada tahun 2020, seramai 106 pelajar yang menduduki Sijil Pelajaran Malaysia (SPM) Orang Asli telah berjaya mendapat keputusan cemerlang 4A ke atas. Dari jumlah tersebut seorang telah mendapat keputusan 10A, manakala dua orang mendapat keputusan 9A. Bagi peperiksaan Sijil Tinggi Pelajaran Malaysia (STPM) seramai 35 orang pelajar yang mendapat keputusan Purata Nilai Gred Keseluruhan (PNGK) 2.84 ke atas termasuk 3 orang mendapat keputusan PNGK 4.0.

Sekian, terima kasih.

**PEMBERITAHUAN MESYUARAT DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS 2021**

**PERTANYAAN : LISAN**

**DARIPADA : YB TUAN SU KEONG SIONG [KAMPAR]**

**TARIKH : 7 OKTOBER 2021 (KHAMIS)**

**SOALAN**

**TUAN SU KEONG SIONG [KAMPAR]** minta **MENTERI PERUMAHAN DAN KERAJAAN TEMPATAN** menyatakan hala tuju dan jumlah kerugian yang dialami oleh Perbadanan PR1MA Malaysia (PR1MA) sejak ianya ditubuhkan pada Julai 2011. Berapa jumlah kewangan yang telah disalurkan kepada Perbadanan PR1MA untuk menampung operasi projek PR1MA ini.

**JAWAPAN**

**Tuan Yang di-Pertua,**

Untuk makluman Ahli Yang Berhormat, Perbadanan PR1MA Malaysia (PR1MA) ditubuhkan pada 1 Januari 2013, di bawah Akta PR1MA 2012 untuk merancang, membangun, membina dan menawarkan kediaman pada harga yang berpatutan serta berkualiti tinggi berkonsepkan gaya hidup moden bagi rakyat Malaysia yang berpendapatan isi rumah pertengahan (M40) antara RM2,500 hingga RM15,000 sebulan.

Sejak dari awal penubuhan, PR1MA telah menerima bantuan peruntukan pembangunan sebanyak RM5.1 bilion secara berperingkat daripada kerajaan untuk tujuan pembangunan projek-projek PR1MA. Bermula tahun 2019, PR1MA telah menjalankan transformasi holistik bagi menangani isu-isu aliran tunai kewangan, penyediaan perumahan serta memastikan kelestarian operasi Perbadanan. Di bawah pelan



transformasi ini, PR1MA telah melalui proses rasionalisasi projek untuk mengkaji semula semua projek dengan memastikan hanya projek-projek yang berdaya maju dengan model perniagaan yang lebih berkesan diteruskan.

Daripada 94 projek yang telah dikaji, 62 projek kini telah diteruskan dan akan menyediakan 52,763 unit rumah mampu milik di seluruh negara. Pelan rasionalisasi projek ini berjaya mengurangkan beban kewangan PR1MA daripada RM23.3 bilion kepada RM14.1 bilion. Sehingga Ogos 2021, sebanyak 31 daripada 62 projek tersebut yang merangkumi 23,382 unit telah siap dibina.

Bagi memastikan kesinambungan operasi projek, PR1MA telah mengambil pinjaman melalui Jaminan Kerajaan berjumlah RM5.0 bilion untuk melaksanakan projek-projek pembangunan di bawah pelan perancangan yang terkini.

Projek-projek PR1MA turut dibiayai melalui hasil jualan unit-unit rumah PR1MA yang semakin rancak dan memberangsangkan. Sejak daripada penubuhan PR1MA, sebanyak 32,825 unit rumah telah dijual dengan nilai pembangunan kasar (GDV) bernilai RM7.55 bilion. Bagi tahun 2021, PR1MA telah menjual sebanyak 3,498 unit rumah dengan GDV sebanyak RM0.73 bilion setakat 3 September 2021 dan menyasarkan untuk menjual sejumlah 6,600 unit rumah dengan GDV sebanyak RM1.4 bilion bagi tahun 2021. Jumlah jualan ini dapat menampung anggaran kos bagi menyiapkan projek-projek PR1MA yang sedang berjalan dan keperluan yang lain.

PR1MA kini berada dalam kedudukan asas yang kukuh (*strong fundamentals*) berikutan pelaksanaan pelan transformasi sejak tahun 2019 bagi mendukung agenda perumahan negara. PR1MA kekal komited dalam melaksanakan mandat yang telah diberikan oleh Kerajaan bagi menyediakan rumah mampu milik kepada kumpulan sasaran, M40 dengan menyiapkan 29 projek yang merangkumi 21,961 unit dalam pembinaan dan 2 projek baharu yang melibatkan 10 fasa projek dengan jumlah 7,420 unit dalam perancangan. Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS**

---

**PERTANYAAN : LISAN**

**DARIPADA : DATO' HAJI AHMAD NAZLAN BIN IDRIS  
[ JERANTUT ]**

**TARIKH : 7 OKTOBER 2021 (KHAMIS)**

**SOALAN**

**DATO' HAJI AHMAD NAZLAN BIN IDRIS [ JERANTUT ]** minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan penyebab kenaikan harga minyak masak yang ketara dan membebankan pengguna serta tindakan Kementerian bagi mengawal agar harga tidak terus meningkat lagi.

**JAWAPAN**

**Yang di-Pertua,**

Kenaikan harga minyak masak yang ketara pada awal tahun ini berpunca daripada permintaan yang tinggi terhadap komoditi minyak sawit seterusnya memberikan kesan kepada harga minyak masak. Peningkatan harga minyak sawit adalah selari dengan peningkatan permintaan minyak kacang soya berikutan pengeluaran yang rendah akibat daripada pandemik Covid-19. Peningkatan harga minyak kacang soya yang tinggi di pasaran antarabangsa juga menyebabkan minyak sawit digunakan sebagai alternatif memandangkan kosnya yang lebih rendah berbanding minyak kacang soya.

Sebagai langkah untuk mengawal peningkatan harga, Kerajaan telah memperkenalkan Program Mekanisme Kawalan Harga Minyak Masak iaitu kawalan harga maksimum jualan minyak masak sawit tulen di dalam

botol (1kg, 2kg, 3kg dan 5kg) supaya ianya tidak membebankan pengguna.

Kerajaan telah mewartakan harga maksimum jualan minyak masak sawit tulen botol di peringkat runcit iaitu 1kg - RM6.70, 2kg - RM12.70, 3kg - RM18.70 dan 5kg - RM29.70.

Langkah-langkah ini diambil bagi memastikan kestabilan minyak masak paket dan botol untuk keperluan pengguna domestik. Antara tindakan yang dilaksanakan oleh KPDNHEP bagi memastikan kestabilan bekalan minyak masak paket (1kg) di pasaran adalah seperti berikut:

- a) Menggerakkan pemeriksaan harian di seluruh negara bagi **memantau keberadaan (*availability*) bekalan minyak masak** di pasaran. Pemeriksaan dibuat ke atas minyak masak paket bersubsidi 1kg termasuk minyak botol empat (4) jenis iaitu 1kg, 2kg, 3kg dan 5kg. Tindakan proaktif dalam menjalankan pemeriksaan harian juga dilaksanakan ke atas **premis-premis perniagaan runcit, borong dan juga pengilang** bagi memantau tahap keberadaan (*availability*) dan kedudukan bekalan 10 jenis barangan asas di pasaran. Kementerian memantau ke atas 2,711 peruncit daerah terpilih, 1,039 pemborong daerah terpilih dan 223 pengilang daerah terpilih yang meliputi 222 Parlimen dan 576 DUN.
- b) Penguatkuasaan **OPS GORENG 4.0** dilaksanakan merujuk pengauditan dan naziran secara berkala oleh Kementerian ke atas kilang-kilang pembungkus minyak masak bagi mengekang aktiviti sorok, ketirisan dan penyelewengan minyak masak bersubsidi bagi mengelak kekurangan bekalan di pasaran.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : PUAN ISNARAISAH MUNIRAH MAJILIS  
[ KOTA BELUD ]**

**TARIKH : 7 OKTOBER 2021 ( KHAMIS )**

**SOALAN**

**PUAN ISNARAISAH MUNIRAH MAJILIS** minta **MENTERI KESIHATAN** menyatakan bentuk penyelesaian yang telah dilaksanakan terhadap sistem rawatan COVID-19 di negeri Sabah dalam aspek :-

- (a) kecukupan silinder oksigen di wad ICU; dan
- (b) kepadatan wad ICU mengikut hospital serta jumlah pesakit COVID-19 tahap 4 dan 5 yang gagal dirawat secara berfokus di wad ICU.

**JAWAPAN:**

Tuan Yang di-Pertua,

1. Kementerian Kesihatan komited dalam memastikan bekalan gas oksigen perubatan sentiasa mencukupi termasuk di negeri Sabah.
2. Berdasarkan kepada penggunaan gas oksigen perubatan bulanan di seluruh Sabah iaitu sebanyak 40% daripada kapasiti bekalan gas oksigen perubatan bulanan, didapati bekalan gas oksigen perubatan adalah mencukupi.
3. Kementerian Kesihatan juga telah membuat perolehan alat *Oxygen Concentrator* mulai pertengahan tahun 2020 dengan memperuntukkan sebanyak **RM144 juta** bagi tujuan perolehan peralatan dan tangki oksigen. Selain itu, negeri Sabah turut menerima peruntukan tambahan alat *Oxygen Concentrator* melalui mobilisasi dari Semenanjung ke Sabah.
4. Selain itu, sebanyak 480 silinder oksigen, 48 oksigen regulator dan stok ubat-ubatan juga telah dihantar ke Sabah sebagai peralatan perubatan tambahan dan sebahagian daripada langkah kesiapsiagaan KKM dalam menghadapi trend peningkatan kes jangkitan COVID-19 di Sabah bermula 7 September yang lalu.
5. Berhubung dengan kepadatan wad ICU di hospital-hospital di negeri Sabah, antara langkah-langkah yang telah diambil oleh Kementerian Kesihatan adalah seperti berikut:
  - (i) Menambah bilangan katil *re-purposed* untuk perawatan pesakit kritikal di luar ICU di hospital. Melalui penukaran fungsi (*repurposing*) beberapa katil sebagai katil kritikal, hospital-hospital di negeri Sabah berupaya untuk menambah 77 katil kritikal;
  - (ii) Sejumlah 13 hospital tanpa pakar telah dipersiapkan untuk menerima pesakit kategori 3 hingga 5 dan turut menjadi tempat

## SOALAN NO : 18

sementara rawatan pesakit kategori 4 sebelum dipindahkan ke wad ICU hospital berpakar. Pesakit-pesakit ini dipantau oleh pakar-pakar berkaitan sama ada secara fizikal mahupun secara maya ( video konferens );

- (iii) Mewujudkan hospital medan di daerah Tawau dan Sandakan untuk memberi rawatan pesakit kategori 4; dan
- (iv) Membina Field Hybrid *Intensive Care Unit* (ICU) di Hospital Tawau yang sedang dalam proses pembinaan dan dijangka akan beroperasi pada pertengahan bulan September ini bagi menampung peningkatan pesakit yang memerlukan rawatan rapi dan kritikal.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS TAHUN 2021**

**PERTANYAAN : LISAN**

**DARIPADA : TUAN JUGAH ANAK MUYANG @  
TAMBAT [LUBOK ANTU]**

**TARIKH : 7 OKTOBER 2021 (KHAMIS)**

**SOALAN**

**TUAN JUGAH ANAK MUYANG @ TAMBAT** minta **MENTERI PERUMAHAN DAN KERAJAAN TEMPATAN** menyatakan bilakah tarikh pembinaan balai bomba Engkilili/Lubok Antu seperti yang telah diluluskan dalam Rancangan Malaysia Ke-11 dimulakan.

**JAWAPAN**

**Tuan Yang di-Pertua,**

Untuk makluman Ahli Yang Berhormat, Kementerian Perumahan dan Kerajaan Tempatan (KPKT) melalui Jabatan Bomba dan Penyelamat Malaysia (JBPM), telah pun memiliki tapak tanah seluas 0.54 hektar di kawasan Engkilili untuk tujuan pembinaan balai bomba kategori E. Rancangan pembangunan balai bomba di kawasan Engkilili telah dimasukkan ke dalam perancangan RMKe-12 mengikut keutamaan. Pada masa kini, kawasan Engkilili mendapat khidmat perlindungan kebakaran daripada Pasukan Bomba Sukarela (PBS) Engkilili dengan keanggotaan seramai 32 orang ahli yang dilengkapi dengan pam angkut, peralatan pemadaman serta peralatan perlindungan diri (PPE) yang disediakan oleh JBPM Negeri Sarawak.

Berhubung keperluan pembinaan balai bomba di kawasan Lubok Antu pula, KPKT melalui JBPM telah mengenal pasti dan sedang memohon untuk mendapatkan tapak tanah seluas 1.77 hektar bagi membina sebuah balai bomba kategori E. Pada masa yang sama, permohonan pembinaan balai bomba di kawasan Lubok Antu telah dibuat dalam *Rolling Plan 2*, Tahun 2022. KPKT kini sedang menunggu pertimbangan kelulusan daripada agensi pusat. Sekiranya diluluskan, Balai Bomba dan Penyelamat Lubok Antu, Sarawak akan dapat dibina pada tahun 2022 dan dijangka siap pada tahun 2023.

Pada masa kini, kawasan Lubok Antu mendapat perkhidmatan perlindungan kebakaran daripada Pasukan Bomba Sukarela (PBS) Lubok Antu dengan kekuatan keanggotaan seramai 41 orang ahli yang dilengkapi dengan sebuah pacuan empat roda, peralatan pemadaman dan peralatan perlindungan diri (PPE) yang juga disediakan oleh JBPM Negeri Sarawak.

Sekian, terima kasih.



**PEMBERITAHUAN PERTANYAAN JAWAB LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPATBELAS**

**PERTANYAAN : JAWAB LISAN**

**DARIPADA : CHAN MING KAI (ALOR SETAR)**

**TARIKH : 7 OKTOBER 2021 (KHAMIS)**

**SOALAN**

**Tuan Chan Ming Kai [ ALOR SETAR ]** minta **MENTERI DALAM NEGERI** menyatakan berapa rekod kelahiran kanak-kanak telah disenaraihitamkan atas pemalsuan maklumat kelahiran dan berapa kes yang sudah selesai siasatan atau sedang dalam siasatan serta berapa masih belum dikesan ibu bapa untuk tujuan siasatan.

**JAWAPAN**

Tuan Yang Di Pertua,

Berdasarkan pangkalan data Jabatan Pendaftaran Negara (JPN), terdapat sebanyak 1,723 rekod kelahiran yang telah disenarai hitam atas pelbagai kesalahan yang dikenalpasti. Antara sebab-sebab tindakan senarai hitam diambil adalah memberikan maklumat palsu semasa mendaftar kelahiran termasuklah maklumat tempat kelahiran, maklumat ibu dan bapa kanak-kanak, perakuan kelahiran palsu, mengemukakan sijil nikah palsu dan lain-lain lagi. Daripada jumlah itu, sebanyak 165 pemilik disenarai hitamkan kerana kegagalan ibu bapa kanak-kanak atau pemilik sijil kelahiran untuk hadir ke JPN bagi tujuan siasatan lanjut.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : DATO' HAJI MOHD FASIAH BIN HAJI MOHD  
FAKEH [ SABAK BERNAM ]**

**TARIKH : 7 OKTOBER 2021 ( KHAMIS )**

**SOALAN**

**DATO' HAJI MOHD FASIAH BIN HAJI MOHD FAKEH** minta **MENTERI KESIHATAN** menyatakan jenis-jenis varian COVID-19 yang terdapat di Malaysia dan nyatakan varian COVID-19 yang paling dominan di negara ini dan setakat manakah kejayaan Kerajaan khususnya Kementerian Kesihatan Malaysia (KKM) dalam membendung, mengawal dan merawat pandemik COVID-19 serta langkah dan pelan tindakan (*plan of action*) Kerajaan seterusnya bagi memerangi pandemik COVID-19 ini secara lebih efektif.

**JAWAPAN**

Tuan Yang di-Pertua,

1. Kementerian Kesihatan Malaysia (KKM) melalui Institut Penyelidikan Perubatan (IMR) dan Institut Kesihatan Negara (NIH) telah melakukan analisis turutan jujukan genom penuh virus SARS-CoV-2 (COVID-19) dari sampel klinikal. Sehingga 26 Ogos 2021, jumlah kumulatif kes yang dijangkiti oleh virus SARS-CoV-2 yang dikategorikan sebagai *variant of concern* (VOC) dan *variant of interest* (VOI) adalah sebanyak **956 kes**. Daripada jumlah yang dikesan tersebut, 936 kes adalah VOC manakala 20 kes adalah VOI. Terdapat sebanyak 713 kes varian Delta, 209 kes varian Beta dan 14 kes varian Alpha bagi kes VOC, manakala terdapat 13 kes varian Theta, empat (4) kes varian Kappa, dan tiga (3) kes varian Eta bagi kes VOI. Perkembangan ini adalah sejajar dengan situasi di negara lain di mana varian Delta adalah yang paling dominan serta mempunyai kadar kebolehjangkitan yang lebih tinggi.

2. Seterusnya, bagi membendung, mengawal dan merawat pandemik COVID-19 serta langkah dan pelan tindakan (*plan of action*) kerajaan bagi memerangi pandemik COVID-19 ini secara lebih efektif adalah dengan memperkukuh dan meningkatkan tindakan kesihatan awam iaitu:

**(i) Analisis Penjujukan Genom**

- Melakukan analisis turutan jujukan genom penuh virus SARS-CoV-2 (COVID-19) dengan memberi fokus kepada pemantauan terhadap semua jenis mutasi gen terutama pada anjakan protein yang memainkan peranan penting dalam proses pengecaman reseptor dan proses membran sel (*receptor recognition and cell membrane fusion process*).
- Meningkatkan kapasiti penjujukan genom, di mana satu konsortium yang melibatkan 3 Kementerian iaitu Kementerian Kesihatan, Kementerian Sains, Teknologi dan Inovasi serta

Kementerian Pengajian Tinggi (KKM-MOSTI-KPT) telah ditubuhkan. Konsortium ini yang melibatkan beberapa institusi dan universiti telah menerima peruntukan sebanyak RM3 juta untuk menjalankan penjujukan genom SARS-CoV-2 sebanyak 3,000 sampel dalam masa 3 bulan bermula Ogos 2021 supaya bilangan sampel yang dijalankan penjujukan genom melebihi 1% daripada semua kes positif. Sebagai perbandingan, kapasiti penjujukan genom di beberapa negara ASEAN adalah seperti berikut - Singapura (6.0%), Thailand (0.43%), Vietnam (0.31%), Indonesia (0.11%) dan Cambodia (0.82%). Antara kriteria yang digunakan untuk pemilihan sampel termasuk sampel yang mempunyai nilai kitaran ambang (*cycle threshold value*) kurang daripada 25, sampel daripada kluster positiviti tinggi, kes kematian/BID atau kes ICU.

**(ii) Program Vaksinasi**

- Vaksin COVID-19 adalah salah satu tindakan kesihatan awam yang berkesan bagi melandai kadar jangkitan COVID-19 pada masa sekarang. Walau bagaimanapun, individu lengkap dua dos bukanlah tidak akan dijangkiti langsung, namun 88% daripadanya tidak mempunyai simptom dan 96% tidak memerlukan kemasukan ke hospital. Oleh itu, langkah ini sekali gus akan dapat mengurangkan kapasiti hospital yang kini berada dalam keadaan genting berikutan jumlah kes yang tinggi terutama di Unit Rawatan Rapi (ICU).
- Strategi pemberian vaksin juga disegerakan khususnya di kawasan yang mempunyai jumlah kepadatan penduduk yang tinggi bagi membendung penularan virus selain dapat mengelak pembentukan varian baharu. Sehingga 25 Ogos 2021, sebanyak 13,842,928 orang atau 42.4 peratus penduduk di negara ini sudah menerima dua dos lengkap vaksin COVID-19 sejak Program Imunisasi COVID-19 Kebangsaan (PICK) dilancarkan bermula Februari lepas.

**(iii) Pematuhan prosedur standard operasi (SOP)**

- Penduduk Malaysia sentiasa diingatkan untuk mematuhi (SOP) walau di mana berada. Rakyat perlu memainkan peranan penting dalam mengurangkan jangkitan COVID-19 terhadap varian baharu yang bersifat mudah merebak. Oleh itu, KKM sentiasa menasihati orang ramai untuk mengelakkan perkumpulan beramai-ramai di mana penjarakan susah untuk diamalkan serta tidak memakai pelitup muka yang betul seperti disarankan.

**(iv) Saringan**

- Orang ramai yang bergejala juga disarankan untuk menjalani ujian swab samada secara sendiri atau di fasiliti kesihatan bagi membuat pengesanan awal supaya tindakan kawalan dan pencegahan dapat dilakukan segera bagi mengelak berlakunya kejadian wabak di kawasan tersebut.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS, TAHUN 2021**

**PERTANYAAN : JAWAB LISAN**

**DARIPADA : TUAN KESAVAN A/L SUBRAMANIAM  
[ SUNGAI SIPUT ]**

**TARIKH : 7 OKTOBER 2021 (KHAMIS)**

**SOALAN**

**TUAN KESAVAN A/L SUBRAMANIAM [ SUNGAI SIPUT ]** minta **MENTERI SUMBER MANUSIA** menyatakan senarai kadar pengangguran di negara bagi tahun 2020 dan bagi tahun 2021 sehingga suku kedua mengikut umur (20-24 tahun, 25-29 tahun, 30-34 tahun dan 35-64 tahun).

**JAWAPAN**

**Tuan Yang Di Pertua,**

Berdasarkan data terkini Survei Tenaga Buruh oleh Jabatan Perangkaan Malaysia, kadar pengangguran keseluruhan di Malaysia pada suku kedua 2021 menurun 0.3 peratus kepada 4.8% berbanding 5.1% pada suku kedua 2020.

Kadar pengangguran belia berumur 15-24 tahun pula merekodkan 11.0% pada suku kedua 2021 iaitu menurun 1.5 peratus berbanding 12.5% pada suku kedua 2020.

Kadar pengangguran bagi kumpulan umur 25-34 tahun merekodkan 5.0% pada suku kedua 2021 berbanding suku kedua 2020 iaitu 5.2%.

Kadar pengangguran bagi kumpulan umur 35-44 tahun merekodkan 1.9% pada suku kedua 2021 berbanding suku kedua 2020 iaitu 2.3%.

Kadar pengangguran bagi kumpulan umur 45-54 tahun merekodkan 3.0% pada suku kedua 2021 berbanding suku kedua 2020 iaitu 2.6%.

Kadar pengangguran bagi kumpulan umur 55-64 tahun merekodkan 4.1% pada suku kedua 2021 berbanding suku kedua 2020 iaitu 2.8%.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS**

**PERTANYAAN : JAWAB LISAN**

**DARIPADA : YB CHONG CHIENG JEN (STAMPIN)**

**TARIKH : 7 OKTOBER 2021 (KHAMIS)**

**SOALAN**

**TUAN CHONG CHIENG JEN [ STAMPIN ]** minta **MENTERI DALAM NEGERI** menyatakan jumlah permohonan kewarganegaraan dari penduduk di negeri Sarawak yang telah diluluskan dalam tahun 2019, 2020 dan 2021 dan berapa permohonan yang masih belum diluluskan oleh Kementerian. Apakah langkah yang akan diambilkan oleh Kerajaan untuk mempercepatkan kelulusan permohonan tersebut.

**JAWAPAN**

Tuan Yang Di-Pertua,

Jumlah permohonan kewarganegaraan Malaysia Perlembagaan Persekutuan bagi semua perkara untuk Negeri Sarawak dari tahun 2019 hingga 25 Ogos 2021 adalah sebanyak 644 permohonan. Daripada jumlah tersebut, sebanyak 2 pemohon telah dianugerahkan kewarganegaraan dan sebanyak 602 permohonan masih di dalam proses. Setiap permohonan kewarganegaraan akan diteliti fakta dan dokumen sokongan yang dikemukakan oleh setiap pemohon mengikut giliran yang sewajarnya sebelum keputusan dikeluarkan. Kementerian sedang melaksanakan tindakan segera secara berperingkat terhadap semua permohonan kewarganegaraan yang diterima dan sentiasa berusaha untuk memudahkan permohonan berkenaan selagi ia selaras dengan perundangan yang berkuat kuasa.



**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : TUAN SANISVARA NETHAJI RAYER A/L  
RAAJI [ JELUTONG ]**

**TARIKH : 7 OKTOBER 2021 ( KHAMIS )**

**SOALAN**

**TUAN SANISVARA NETHAJI RAYER A/L RAAJI** minta **MENTERI KESIHATAN** menyatakan apakah perkembangan kajian klinikal vaksin untuk COVID-19 serta aspek keberkesanan, aspek keselamatan dan aspek kesesuaian vaksin kepada rakyat, yang telah dan sedang dikaji di negara kita. Bilakah vaksin hasil kajian klinikal ini dijangka diluluskan oleh Kementerian Kesihatan dan apakah nama rasmi bagi vaksin tersebut serta bilakah suntikan vaksin tersebut akan dimulakan .

**JAWAPAN**

Tuan Yang di-Pertua,

1. Buat masa ini, kajian klinikal vaksin fasa III untuk COVID-19 masih lagi dijalankan dan dijangka akan tamat pada bulan November 2022. Kajian ini melibatkan 3000 sukarelawan dan ditaja oleh Institute of Medical Biology Chinese Academy of Medical Sciences (IMBCAMS) dan telah bermula semenjak akhir bulan Januari 2021 di sembilan hospital Kementerian Kesihatan.
2. Hasil analisis keberkesanan kajian peringkat awal pada bulan Ogos 2021 oleh kumpulan penyelidik China mendapati vaksin kajian tersebut telah mencapai kadar perlindungan yang sesuai terhadap COVID-19.
3. Dari segi pemantauan keselamatan kajian vaksin, *Data Safety Monitoring Board* telah bermesyuarat sebanyak lima kali dan sehingga kini, **tiada laporan signifikan berkaitan kesan sampingan (*adverse*) dengan vaksin kajian.**
4. Proses permohonan untuk kelulusan penggunaan vaksin perlu dilaksanakan oleh *Marketing Authorization Holder (TOP Pharma)* dan perlu mengikuti prosedur yang ditetapkan oleh Bahagian Regulatori Farmasi Negara (NPRA).
5. Setakat ini nama rasmi bagi vaksin tersebut belum dimuktamadkan oleh pihak IMBCAMS.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : DATUK SERI DR. HAJI DZULKEFLY BIN AHMAD [ KUALA SELANGOR]**

**TARIKH : 7 OKTOBER 2021 ( KHAMIS )**

**SOALAN**

**DATUK SERI DR. HAJI DZULKEFLY BIN AHMAD** minta **MENTERI KESIHATAN** menjelaskan mengapa listing kematian yang dahulunya diberi melalui sesawang KP Kesihatan secara line-listing kini tidak diberikan? Ini termasuk angka umur mereka dan komorbid yang mereka ada secara individu.

**JAWAPAN**

**Tuan Yang di-Pertua,**

1. Setiap kes kematian dahulu pernah dikongsi melalui Kenyataan Akhbar Ketua Pengarah Kesihatan bagi meningkatkan kesedaran orang ramai akan bahayanya COVID-19 yang boleh membawa maut. Pada awalnya, kes kematian diperincikan setiap satu termasuk nombor kes kematian, kewarganegaraan, umur, latar belakang penyakit, gejala yang dialami daripada awal sakit sehingga merosot dan seterusnya meninggal dunia, tempat kematian serta tarikh dan jam kematian. Semua informasi ini disampaikan dalam bentuk naratif. Kes kematian yang dilaporkan pada ketika itu adalah satu (1) angka sahaja setiap hari iaitu sekitar satu (1) atau dua (2) kes.

2. Pada gelombang kedua, kes kematian harian semakin meningkat dan pelaporan diringkaskan dalam bentuk senarai (jadual) yang mengandungi nombor kes kematian, negeri, jantina, umur, tempat kematian dan latar belakang penyakit bagi setiap kes. Ini bagi membolehkan kenyataan akhbar dapat dihantar tepat pada waktunya setiap hari bermula bulan November 2020. Sejak bermula pandemik pada Februari 2021 sehingga 31 Disember 2020, jumlah kes kematian adalah 471 kes.

3. Bermula gelombang ketiga, kes kematian meningkat secara berterusan yang mana pelaporan dalam bentuk jadual bagi perincian setiap kes kematian menjadi terlalu panjang, dan kemudian dijadikan dalam bentuk jadual yang lebih ringkas lagi. Informasi seperti bilangan kes kematian, jantina, kewarganegaraan, jumlah kematian di hospital dan (*Brought - In Dead* - BID) serta jumlah kes dengan latar belakang penyakit mengikut negeri masih diberikan dalam jadual tersebut. Penukaran bentuk jadual yang lebih ringkas ini bagi membolehkan kenyataan media dapat diterbitkan tepat pada waktunya setiap hari.

4. Kementerian Kesihatan Malaysia (KKM) kini telah menyediakan data rasmi mengenai pandemik COVID-19 termasuk data kematian kepada umum melalui GitHub yang boleh diakses di <https://github.com/MoH-Malaysia/covid19-public>.

5. Dalam masa terdekat, KKM akan berkongsi data terperinci kes COVID-19 tanpa identiti (nama, nombor kad pengenalan, alamat dan nombor telefon). Dengan perkongsian data granular ini, KKM berharap ia akan meningkatkan kebolehlaksanaan analisis semua pihak yang berkepentingan dan dapat menggunakan maklumat ini secara bijaksana bagi mencegah penularan jangkitan COVID-19 di negara kita.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS**

**PERTANYAAN : LISAN**

**DARIPADA : TUAN RAMLI BIN DATO' MOHD NOR  
[CAMERON HIGHLANDS]**

**TARIKH : 7.10.2021 (KHAMIS)**

**SOALAN**

**TUAN RAMLI BIN DATO' MOHD NOR** minta **MENTERI PEMBANGUNAN LUAR BANDAR** menyatakan apakah perkembangan perancangan penubuhan Pelan Pembangunan Masyarakat Orang Asli bagi tujuan meningkatkan pembangunan sosio ekonomi mereka.

**JAWAPAN**

**Tuan Yang di-Pertua,**

Pelan Pembangunan Nasional Orang Asli akan ditambahbaik kepada Dasar Pembangunan Orang Asli bagi menggantikan Dasar Pentadbiran Orang Asli 1961. Penyediaan Dasar Pembangunan Orang Asli ini melibatkan 3 Fasa.

Fasa pertama adalah pengumpulan maklumat dan sesi libat urus bersama kumpulan sasar dan agensi berkaitan yang telah dilaksanakan sepanjang tahun 2019 dan 2020, antaranya adalah Konvensyen Orang Asli Kebangsaan. Fasa kedua adalah melibatkan penulisan draf dokumen, sesi libat urus bersama kumpulan sasar dan agensi berkaitan akan draf dokumen tersebut.

Fasa ketiga adalah penyediaan draf akhir dokumen Dasar Pembangunan Orang Asli bagi kelulusan Kabinet. JAKOA mensasarkan draf akhir ini dapat disediakan pada suku pertama tahun 2022.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL EMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : PUAN NOORITA BINTI SUAL [ TENOM ]**

**TARIKH : 7 OKTOBER 2021 ( KHAMIS )**

**SOALAN**

**PUAN NOORITA BINTI SUAL** minta **MENTERI KESIHATAN** menyatakan apakah perkembangan lanjut berkenaan dengan penyelidikan 3 jenis dadah yang dicadangkan oleh Pertubuhan Kesihatan Sedunia untuk dijadikan ubat COVID- 19 di Malaysia, berapa ramaikah pesakit yang terlibat dan adakah ianya dibuat secara sukarela.

**JAWAPAN**

Tuan Yang di-Pertua,

1. Berhubung dengan penyelidikan 3 jenis dadah yang dicadangkan oleh *World Health Organization* (WHO), kajian klinikal *WHO Solidarity Trial* dengan berkolaborasi bersama 405 hospital di 30 negara termasuk Malaysia telah dilaksanakan pada bulan April 2020. Hasil kajian menunjukkan bahawa *remdesivir*, *hydroxychloroquine*, *lopinavir* dan *interferon* mempunyai sedikit atau tidak ada kesan pada pesakit COVID-19 yang dirawat di hospital.
2. Kajian susulan *WHO Solidarity PLUS Trial* yang dilancarkan pada 11 Ogos 2021 pula melibatkan tiga jenis dadah iaitu *artesanate*, *imatinib* dan *infliximab*. Kajian tersebut melibatkan **seramai 360 pesakit** di 9 buah hospital KKM dan **dibuat secara sukarela**.
3. Selain itu, hingga bulan September 2021, pasukan penyelidik sedang melengkapkan dokumen bagi memenuhi keperluan kelulusan kajian dengan Jawatankuasa Etika dan Penyelidikan Perubatan dan Bahagian Regulatori Farmasi Negara. **Kajian ini dijangka akan bermula pada bulan Oktober 2021 bersama-sama dengan 52 negara di bawah pemantauan WHO.**

Sekian, terima kasih.



**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : JAWAB LISAN**

**DARIPADA : TUAN HASSAN BIN ABDUL KARIM  
[ PASIR GUDANG ]**

**TARIKH : 7 OKTOBER 2021 ( KHAMIS )**

**SOALAN**

**TUAN HASSAN BIN ABDUL KARIM [ PASIR GUDANG ]** minta  
**MENTERI KESIHATAN** menyatakan bilakah Hospital Pasir Gudang  
dijangka dapat disiapkan dan mula beroperasi.

**JAWAPAN**

Tuan Yang di-Pertua,

1. Untuk makluman Ahli Yang Berhormat, Projek Hospital Pasir Gudang (304 katil) telah diluluskan oleh Unit Perancang Ekonomi, Jabatan Perdana Menteri (UPE, JPM) di bawah *Rolling Plan* 1 (RP1), Rancangan Malaysia Ke-Sebelas (RMK-11) dengan kos keseluruhan berjumlah RM500,000,000.00. Jabatan Kerja Raya Malaysia (JKR) telah dilantik sebagai Agensi Pelaksana projek ini. Projek ini dilaksanakan secara reka dan bina dan secara tender terbuka.
2. Untuk makluman Ahli Dewan juga, projek Hospital Pasir Gudang kini di peringkat pelaksanaan iaitu fasa pembinaan. Tempoh pelaksanaan projek adalah selama 48 bulan dan tarikh siap semasa pada 15 November 2024. Status sebenar pelaksanaan kemajuan fizikal sehingga Ogos akhir 2021 adalah mendahului jadual sebanyak 18 hari, iaitu 9.81% berbanding jadual 8.00%.
3. Pengoperasian Hospital Pasir Gudang dijangka pada tahun 2025 selepas proses mobilisasi pegawai serta kakitangan dan kesediaan peralatan perubatan di hospital tersebut.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPATBELAS**

**PERTANYAAN : JAWAB LISAN**

**DARIPADA : YB TUAN YUSUF BIN ABD. WAHAB (TANJONG  
MANIS)**

**TARIKH : 7 OKTOBER 2021 (KHAMIS)**

**SOALAN**

**TUAN YUSUF BIN ABD. WAHAB [ TANJONG MANIS ]** minta **MENTERI DALAM NEGERI** menyatakan rancangan untuk membina sebuah balai polis di Kawasan Pulau Bruit untuk membendung masalah penagihan dadah yang amat membimbangkan dalam kalangan remaja dan belia di kawasan tersebut.

**JAWAPAN**

Tuan Yang Di Pertua,

PDRM akan melihat keperluan untuk cadangan membina balai polis di kawasan Pulau Bruit. Untuk makluman Ahli Yang Berhormat jua, Pulau Bruit, Sarawak pada ketika ini terletak di bawah bidang kuasa pentadbiran Ibu Pejabat Polis Daerah (IPD) Matu Daro manakala balai polis yang terhampir dengan pulau ini adalah Balai Polis Daro.

Bagi membendung masalah penagihan dadah di kawasan Pulau Bruit, pihak PDRM dengan kerjasama Agensi Antidadah Kebangsaan (AADK) melaksanakan operasi berkala dan sesi berjumpa dengan komuniti setempat dalam memberi penerangan tentang bahaya kesan pengambilan dadah.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS**

---

**PERTANYAAN : LISAN**

**DARIPADA : TUAN WONG LING BIU  
[ SARIKEI ]**

**TARIKH : 7 OKTOBER 2021 (KHAMIS)**

**SOALAN**

Minta **MENTERI PEMBANGUNAN USAHAWAN DAN KOPERASI** menyatakan berapakah syarikat perniagaan ditutup semasa wabak COVID-19. Apakah rancangan Kementerian untuk membantu mereka.

**JAWAPAN**

Tuan Yang Dipertua,

1. Berdasarkan Kaji Selidik Ke Atas Usahawan semasa Perintah Kawalan Pergerakan 3.0 (PKP3.0), yang telah dijalankan oleh MEDAC pada 15 hingga 28 Jun 2021 mendapati bahawa sebanyak 3.16% atau sebanyak 37,415 usahawan telah berhenti beroperasi atau gulung tikar. Majoritinya adalah usahawan mikro iaitu sebanyak 26,007 dan diikuti dengan perusahaan kecil dan sederhana (PKS) sebanyak 2,738.
2. MEDAC telah membentuk satu jawatankuasa khas atau *Taskforce* di peringkat Kementerian bagi membantu usahawan berdepan dengan impak pandemik COVID-19. Melalui pembentukan jawatankuasa ini, pihak Kementerian sedang mengambil tindakan segera dalam tempoh jangka pendek di bawah sasaran KPI 100 hari dengan memberi fokus kepada 3 pendekatan utama seperti berikut:

**NO. SOALAN: 30**

- (i) Memulihkan usahawan dan koperasi terjejas melalui bantuan pembiayaan dan pemberian moratorium merangkumi 26 program dengan implikasi kewangan sebanyak RM7.06 billion dan melibatkan 192,541 penerima manfaat;
- (ii) Membantu golongan yang hilang pekerjaan, belia dan graduan menceburi bidang keusahawanan yang mengandungi pelaksanaan 15 program dengan peruntukan sebanyak RM40.4 juta dan melibatkan 2,570 penerima manfaat; dan
- (iii) Memperkukuhkan daya tahan Perusahaan Mikro, Kecil dan Sederhana (PMKS) melalui adaptasi teknologi yang merangkumi pelaksanaan 11 program dengan peruntukan sebanyak RM14.8 juta dan melibatkan 8,950 penerima manfaat.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPATBELAS**

**PERTANYAAN : JAWAB LISAN**

**DARIPADA : YB PUAN P. KASTHURIRAANI (BATU KAWAN)**

**TARIKH : 7 OKTOBER 2021 (KHAMIS)**

**SOALAN**

**PUAN KASTHURIRAANI A/P PATTO [ BATU KAWAN ]** minta **MENTERI DALAM NEGERI** menyatakan jumlah kes bunuh yang melibatkan mangsa wanita yang pernah membuat laporan polis mereka didera atau dihendap sebelum dibunuh mengikut pecahan negeri dan tahun dari tahun 2015 sehingga kini serta apakah status pindaan Kanun Keseksaan untuk menjenayahkan aktiviti menghendap (*stalking*).

**JAWAPAN**

Tuan Yang Di Pertua,

Berdasarkan rekod Polis Diraja Malaysia (PDRM), dari tahun 2015 sehingga 31 Ogos 2021, tiada kes kematian wanita yang melibatkan penghendap atau *stalker* di seluruh negara.

Walau bagaimanapun, dalam tempoh sama, kes penderaan wanita sehingga berlaku kematian adalah seramai 18 orang. Dari jumlah tersebut, sebanyak 14 kematian adalah di Selangor. Kes tertinggi dicatatkan pada tahun 2016 dengan lima (5) kematian.

Untuk makluman Ahli Yang Berhormat, kajian dan pindaan terhadap Kanun Keseksaan untuk menjenayahkan aktiviti menghendap (*stalking*) bukanlah di bawah bidang kuasa KDN, tetapi di bawah Bahagian Hal Ehwal Undang-Undang (BHEUU), Jabatan Perdana Menteri (JPM).

Berdasarkan maklumat daripada BHEUU, status terkini untuk menjenayahkan aktiviti menghendap (*stalking*) sedang dalam tindakan pihak BHEUU. Draf pindaan telah dikemukakan kepada pihak Jabatan Peguam Negara (AGC) untuk semakan sebelum dapat dibentangkan kepada Jemaah Menteri.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS, TAHUN 2021**

**PERTANYAAN : JAWAB LISAN**

**DARIPADA : TUAN WONG LING BIU [ SARIKEI ]**

**TARIKH : 7 OKTOBER 2021 ( KHAMIS )**

**SOALAN**

**TUAN WONG LING BIU [ SARIKEI ]** minta **MENTERI SUMBER MANUSIA** menyatakan langkah-langkah yang diambil oleh Kerajaan untuk mengatasi kekurangan pekerja asing yang teruk terutamanya dalam sektor pertanian dan perladangan.



**JAWAPAN**

Tuan Yang Di Pertua,

Sehingga **30 Jun 2021**, jumlah pekerja asing yang berdaftar dan dikeluarkan Pas Lawatan Kerja Sementara (PLKS) adalah **1,113,584** orang. Perincian mengikut sektor adalah seperti berikut (Jadual 1):

Jadual 1: Jumlah pekerja asing mengikut sektor  
sehingga 30 Jun 2021

<b>Sektor</b>	<b>Jumlah</b>
Perkilangan	405,591
Pembinaan	222,556
Perladangan	145,541
Perkhidmatan	163,299
Pertanian	87,576
Pembantu Rumah Asing	88,944
Perlombongan & Pengkurian	77
<b>JUMLAH</b>	<b>1,113,584</b>

Sumber: MyIMMs, Jabatan Imigresen Malaysia, 2021

Berdasarkan Jadual 1, seramai **145,541** pekerja asing bekerja dalam **sektor perladangan** dan **87,576** pekerja asing yang bekerja dalam **sektor pertanian**. Sektor perladangan dan sektor pertanian adalah dua sektor yang mempunyai kadar kebergantungan yang tinggi terhadap pekerja asing dan amat terjejas dengan pelaksanaan moratorium terhadap pengambilan pekerja asing baharu yang berkuatkuasa sejak Mac 2020.

Untuk mengatasi kekurangan pekerja asing terutamanya dalam sektor-sektor ekonomi negara termasuk dalam sektor pertanian dan perladangan, Kerajaan telah memperkenalkan dan melaksanakan beberapa inisiatif seperti berikut:

- i. Program Rekalibrasi Tenaga Kerja (RTK) pada 16 November 2020 dan dilaksanakan sehingga 31 Disember 2021. Program RTK adalah inisiatif

jangka pendek bagi meregularisasikan Pendatang Tanpa Izin (PATI) dalam negara menjadi pekerja asing yang sah bagi membantu industri mendapatkan tenaga kerja bagi sektor - sektor yang kurang diminati rakyat tempatan.

Lima (5) sektor yang dibenarkan menyertai Program RTK adalah perkilangan, pembinaan, perladangan, pertanian dan perkhidmatan (sub sektor restoran, kargo, pembersihan dan pencucian serta borong dan runcit). Dari 16 November sehingga 05 Julai 2021, Jabatan Tenaga Kerja Semenanjung Malaysia telah menerima sebanyak 6,230 permohonan Perakuan Rekalibrasi yang melibatkan permohonan seramai 232,390 orang pekerja asing dan 1,412 permohonan telah diluluskan melibatkan seramai 47,387 orang.

- ii. Mengalakkan sektor-sektor berintensifkan buruh beralih kepada automasi dan mekanisasi dengan mengambil sejajar dengan peralihan ke era IR 4.0. Peralihan kepada automasi dan mekanisasi dengan penggunaan teknologi terkini yang '*complement*' (*skill-complementary technologies*) tenaga kerja akan membolehkan pewujudan pekerjaan yang memerlukan kemahiran dan sekaligus mengurangkan kebergantungan kepada pekerja asing berkemahiran rendah. Disamping itu, penggunaan teknologi dan inovasi dalam pengeluaran akan membolehkan industri-industri berintensif buruh '*move up the value chain*.'
- iii. Meningkatkan penyertaan Orang Kurang Upaya (OKU), pesara, bekas banduan, bekas penagih dadah dan gelandangan ke pasaran buruh.
- iv. Menetapkan kadar gaji minimum bagi menarik minat lebih ramai pencari kerja tempatan. Pada masa ini, Kerajaan telah melaksanakan kadar gaji minimum RM1,200 sebulan bagi pekerja-pekerja di wilayah bandar-bandar utama dan RM1,100 sebulan bagi pekerja-pekerja di luar wilayah bandar-bandar utama.

- v. Memperkenalkan peraturan-peraturan kerja separa masa bagi menggalak dan mempertingkat penyertaan tenaga kerja tempatan khususnya suri rumah dan golongan **NEETs** (*Not in Employment, Education or Training*).
- vi. Penyediaan kemudahan penginapan dan rumah ladang kepada bukan hanya kepada pekerja asing tetapi juga kepada pekerja tempatan dengan menguatkuasakan Akta Standard Minimum Perumahan, Penginapan dan Kemudahan Pekerja 1990 [Akta 446]. Faktor penyediaan penginapan yang kondusif, sesuai dan selamat ini juga dapat menjadi faktor penarik kepada rakyat tempatan untuk mengisi kekosongan jawatan yang ditawarkan dan menggantikan (*substituted*) pekerja asing dalam sektor-sektor yang kekurangan pekerja.
- vii. Dalam tempoh pembekuan pengambilan pekerja asing yang baharu, Kerajaan juga telah memanfaatkan pekerja asing sedia ada dalam negara dengan memperkenalkan inisiatif pertukaran majikan dengan:
  - (a) majikan yang menggajikan pekerja asing sedia ada boleh menyerahkan kesemua atau sebahagian pekerja asingnya jika tidak mampu meneruskan penggajian mereka;
  - (b) pertukaran majikan boleh merentasi sektor (*cross-sector*); dan
  - (c) majikan yang menyerahkan pekerja asing kepada majikan lain tidak akan disenaraihitamkan dan mereka akan dibenarkan memohon pekerja asing semula apabila ekonomi kembali pulih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS**

**PERTANYAAN : LISAN**

**DARIPADA : TUAN AHMAD FADHLI BIN SHAARI  
[ PASIR MAS ]**

**TARIKH : 7.10.2021 (KHAMIS)**

**SOALAN**

**TUAN AHMAD FADHLI BIN SHAARI** minta **MENTERI PEMBANGUNAN LUAR BANDAR** menyatakan berapakah projek pembangunan Kementerian yang telah dilaksanakan di Parlimen Pasir Mas semenjak penubuhan Kerajaan Perikatan Nasional dan berapa jumlah kos yang terlibat

**JAWAPAN**

**Tuan Yang di-Pertua,**

Untuk makluman Yang Berhormat Pasir Mas, semenjak penubuhan Kerajaan Perikatan Nasional, sejumlah RM5.68 juta telah disalurkan di bawah Kementerian ini melibatkan 74 program/projek di kawasan Parlimen Pasir Mas.

Peruntukan yang disalurkan ini melibatkan pelaksanaan 54 projek Jalan Perhubungan Desa (JPD), 16 projek Program Ameniti Sosial (PAMS), satu (1) projek Infrastruktur Komersial (MARA) dan tiga (3) projek Pembangunan Kawasan Tanam Semula Getah (RISDA) bagi membantu pelbagai peringkat masyarakat di kawasan parlimen Yang Berhormat.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : TUAN HAJI WAN HASSAN BIN MOHD  
RAMLI [ DUNGUN ]**

**TARIKH : 7 OKTOBER 2021 ( KHAMIS )**

**SOALAN**

**TUAN HAJI WAN HASSAN BIN MOHD RAMLI** minta **MENTERI KESIHATAN** menyatakan perancangan jangka panjang yang akan diambil Kementerian untuk memulihkan sistem kesihatan awam selepas pandemik COVID-19 reda.

**JAWAPAN**

Tuan Yang di-Pertua,

Berhubung perancangan jangka panjang bagi memulihkan sistem kesihatan awam selepas pandemik COVID-19 reda, Kementerian telah mengenalpasti beberapa langkah perancangan yang antaranya adalah:-

**1. Pelaksanaan Agenda Nasional Malaysia Sihat (ANMS)**

Selari dengan aspirasi ANMS, literasi dan kesedaran mengenai kesihatan serta pemerksaan komuniti akan dipertingkatkan. Ini meliputi pematuhan SOP dan arahan yang ditetapkan serta pembudayaan norma baharu agar rakyat boleh hidup dengan selesa dengan situasi di mana COVID-19 adalah endemik di seluruh dunia termasuk Malaysia. Rakyat akan diperkasakan bagi memantau kesejahteraan, kesihatan dan kebajikan ahli komuniti, termasuk pesakit COVID-19 dan kontak rapat yang diperintahkan menjalani pengasingan, pengawasan dan pemerhatian di rumah. Selain itu, Kementerian Kesihatan juga telah memantapkan lagi program kesihatan mental dan psikososial bagi menangani peningkatan kes tekanan mental di kalangan masyarakat.

**2. Kerjasama Awam Swasta ataupun *Public Private Partnership* (PPP) dan Penyumberluaran Perkhidmatan**

Langkah untuk mengukuhkan kerjasama antara kerajaan dan swasta bukan sahaja mampu meningkatkan akses kepada penduduk, tetapi juga berpotensi menambah baik mutu perkhidmatan kesihatan negara. Ini termasuklah mengenalpasti potensi penyumberluaran untuk perkhidmatan tertentu bagi mengurangkan waktu menunggu pesakit di fasiliti awam.

**3. Meningkatkan Kesiapsagaan Penyakit Berjangkit**

Kementerian Kesihatan akan meningkatkan sistem surveilans penyakit berjangkit dan siapsiaga bencana, termasuklah penubuhan *Centre for Disease Control and Prevention* (CDC) Malaysia.

**4. Reformasi Sistem Kesihatan**

Kementerian Kesihatan sedang melaksanakan kajian penilaian sistem kesihatan yang melibatkan pembangunan *Malaysia Health System Reform Blueprint* dan dijangka siap pada 2022.

**5. Pengukuhan Sistem Pembiayaan Kesihatan**

Kerajaan akan memperkukuhkan sistem pembiayaan kesihatan negara dengan menambahbaik mekanisme pembiayaan bagi memastikan perlindungan risiko kewangan (*Financial Risk Protection*) untuk setiap lapisan masyarakat.

**6. Peningkatan Kualiti Perkhidmatan Kesihatan**

Kementerian Kesihatan akan meningkatkan kualiti perkhidmatan sistem kesihatan melalui pembangunan *National Policy for Quality in Healthcare* (NPQH) yang turut mengambil input daripada Garis Panduan Pembangunan Polisi Kualiti Penjagaan Kesihatan oleh *World Health Organization* (WHO).

**7. Memperkukuhkan Keupayaan Penyelidikan dan Inovasi Kesihatan Digital**

Kementerian Kesihatan akan memanfaatkan penggunaan teknologi dan inovasi dalam penjagaan kesihatan melalui pendigitalan perkhidmatan penjagaan kesihatan serta meningkatkan kapasiti penyelidikan dan inovasi.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : TUAN RAMKARPAL SINGH A/L KARPAL  
SINGH [ BUKIT GELUGOR ]**

**TARIKH : 7 OKTOBER 2021 ( KHAMIS )**

**SOALAN**

**TUAN RAMKARPAL SINGH A/L KARPAL SINGH** minta **MENTERI KESIHATAN** langkah-langkah yang diambil oleh Kementerian bagi menangani masalah kesihatan mental termasuk masalah bunuh diri dalam kalangan rakyat Malaysia terutamanya golongan muda yang semakin meningkat akibat Perintah Kawalan Pergerakan yang diperintahkan oleh Kerajaan.



**JAWAPAN**

Tuan Yang di-Pertua,

1. Pandemik COVID-19 yang membataskan kebiasaan aktiviti di kalangan masyarakat telah memberi impak kepada kesihatan mental di kalangan pelbagai lapisan masyarakat. Bagi golongan muda di peringkat umur remaja, kebiasaannya dikesan mengalami masalah kesihatan mental, emosi dan tingkah laku antaranya:

- (i) kemurungan (*depression*);
- (ii) keresahan (*anxiety*);
- (iii) tingkah laku berisiko; dan
- (iv) tingkah laku bunuh diri.

2. Bagi menangani isu dan masalah kesihatan mental dalam kalangan remaja ini, beberapa langkah telah dilaksanakan seperti berikut:

(i) **Program Minda Sihat Sekolah**

Pihak KKM telah melatih kaunselor dan guru-guru bimbingan & kaunseling di Kementerian Pendidikan bagi melaksanakan Program Minda Sihat Sekolah yang meliputi aktiviti saringan dan intervensi kesihatan mental. Sehingga kini sebanyak 2440 buah sekolah telah melaksanakan Program Minda Sihat. Semasa pandemik, program ini dilaksanakan secara atas talian. Pelajar yang disaring dan dikenalpasti mengalami masalah emosi atau tingkahlaku akan dirujuk untuk intervensi;

(ii) **Program PEARL (Program Expresi Anak Remaja Lestari) –**

Program ini merupakan kolaborasi antara Kementerian Kesihatan Malaysiadengan Kementerian Pendidikan Malaysia yang bertumpukan kepada meningkatkan kemahiran daya tindak (*coping skills*) dan resilien dalam kalangan pelajar;

**(iii) Program Siswa Sihat (PROSIS)**

Kementerian Kesihatan Malaysia juga telah mengadakan kolaborasi dengan Kementerian Pengajian Tinggi di dalam pelaksanaan Program Siswa Sihat (PROSIS) di universiti-universiti awam dan swasta yang turut mempunyai elemen saringan dan intervensi kesihatan mental;

**(iv) Program Kafe@Teen**

Kolaborasi lain adalah bersama dengan Kementerian Wanita, Keluarga dan Masyarakat dalam melaksanakan Perkhidmatan Kesihatan Mental dan Sokongan Psikososial dan Program Kafe@Teen. Kerjasama Kementerian Kesihatan Malaysia dan Kementerian Wanita, Keluarga dan Masyarakat ini penting bagi memastikan penyampaian perkhidmatan kesihatan mental yang holistik.

**(v) Kempen *Let's TALK* Minda Sihat**

KKM juga melaksanakan Kempen *Let's TALK* Minda Sihat yang merupakan satu '*smart partnership*' melibatkan agensi kerajaan serta badan bukan kerajaan (NGO) dalam mempromosikan penjagaan kesihatan mental dan juga mewar-warkan Talian Bantuan & Sokongan Psikososial.

3. Kementerian Kesihatan komited dalam mempromosikan penjagaan kesihatan mental masyarakat dan sentiasa bekerjasama dengan agensi yang berkaitan dari masa ke semasa dalam usaha mencegah kejadian bunuh diri di kalangan rakyat Malaysia.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS**

---

**PERTANYAAN : LISAN**

**DARIPADA : TUAN AHMAD FAHMI BIN MOHAMED FADZIL  
[ LEMBAH PANTAI ]**

**TARIKH : 7 OKTOBER 2021 (KHAMIS)**

**SOALAN**

**TUAN AHMAD FAHMI BIN MOHAMED FADZIL [ LEMBAH PANTAI ]** minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan adakah Kementerian berhasrat meletakkan harga siling bagi alat ujian saringan sendiri COVID-19, serta hasil kajian harga semasa alat ujian sendiri tersebut.

**JAWAPAN**

**Yang di-Pertua,**

Dalam membuat penetapan harga kit ujian sendiri Covid-19, Kementerian telah mengadakan sesi libat urus dengan pemegang-pemegang taruh dalam industri kit ujian sendiri Covid-19 termasuk fasiliti farmasi dan klinik. Penelitian dari segi kos pengeluaran dan kos pengimportan telah dibuat dan di analisa.

Kementerian telah menetapkan harga maksimum kit ujian pantas antigen covid-19 (ujian sendiri) bagi borong RM16.00 seunit dan runcit RM19.90 seunit. Penetapan harga maksimum telah diwartakan dan berkuatkuasa pada 5 September 2021 melalui P.U (A) 348 Perintah Kawalan Harga Dan Antipencatutan (Penentuan Harga Maksimum) (No.7) 2021.

Pelaksanaan pemeriksaan serta pemantauan ke atas penjualan kit ujian pantas antigen COVID-19 ini sedang dilaksanakan bermula 5 September 2021. Sehingga 6 September 2021, sebanyak 293 premis telah diperiksa membabitkan 32 premis borong dan 261 premis runcit dan daripada pemeriksaan tersebut sebanyak 2 amaran dikeluarkan kerana menjual melebihi harga maksimum yang ditetapkan.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPATBELAS**

**PERTANYAAN : JAWAB LISAN**

**DARIPADA : YB HAJAH NATRAH BINTI ISMAIL  
(SIKIJANG)**

**TARIKH : 7 OKTOBER 2021 (KHAMIS)**

**SOALAN**

**PUAN HAJAH NATRAH BINTI ISMAIL [ SIKIJANG ]** minta **MENTERI DALAM NEGERI** menyatakan bagaimana permohonan taraf kewarganegaraan di bawah Perkara 15(2) Perlembagaan Persekutuan merupakan pilihan yang paling sesuai untuk golongan ibu yang berwarganegara Malaysia memandangkan dari tahun 2013 hingga 2018 hanya 3% permohonan sahaja yang telah diluluskan. Apakah penyelesaian lanjut yang dapat ditawarkan oleh pihak Kementerian kepada golongan ibu ini.

**JAWAPAN**

Tuan Yang Di-Pertua,

Untuk makluman Ahli Yang Berhormat, kedua-dua lelaki dan wanita warganegara Malaysia mempunyai hak dan peluang sama rata dalam memperolehi kewarganegaraan Malaysia bagi anaknya yang lahir di luar negara selaras dengan Bahagian III Perlembagaan Persekutuan, Kaedah-Kaedah Kewarganegaraan 1964 [L.N.82/1964] serta perundangan berkaitan yang berkuatkuasa dalam isu pendaftaran perkahwinan, kesahtarafan anak, dan peraturan imigresen.

Kementerian juga sedang melaksanakan tindakan segera secara berperingkat terhadap semua permohonan kewarganegaraan yang diterima di Kementerian. Setiap permohonan akan diproses dengan teliti bagi memastikan pematuhan syarat-syarat yang ditetapkan dalam Bahagian III Perlembagaan Persekutuan, *Citizenship Rules* 1964 [LN82/1964] serta perundangan berkaitan yang sedang berkuatkuasa.

Dalam hal ini, setiap fakta dan dokumen sokongan yang dikemukakan oleh setiap pemohon akan diteliti mengikut giliran yang sewajarnya sebelum keputusan dikeluarkan. Sehubungan dengan itu, tiada tempoh tertentu yang ditetapkan bagi pengeluaran keputusan dan ia berbeza-beza mengikut keperluan kes.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS, TAHUN 2021**

**PERTANYAAN : JAWAB LISAN**

**DARIPADA : PUAN HAJAH NATRAH BINTI ISMAIL  
[SEKIJANG]**

**TARIKH : 7 OKTOBER 2021 (KHAMIS)**

**SOALAN**

**PUAN HAJAH NATRAH BINTI ISMAIL [SEKIJANG]** minta **MENTERI SUMBER MANUSIA** menyatakan adakah pihak Kerajaan akan memberikan bantuan khas kepada bekas pesakit COVID-19 yang tidak dapat meneruskan pekerjaan seperti biasa atau hilang upaya kekal.

**JAWAPAN**

**Tuan Yang Di Pertua,**

Kementerian Sumber Manusia menerusi PERKESO telah menguatkuasakan Akta Keselamatan Sosial Pekerja 1969 (Akta 4) dan Peraturan-Peraturan (Am) Keselamatan Sosial Pekerja 1971 yang menyediakan perlindungan keselamatan sosial kepada pencarum dan orang tanggungannya melalui Skim Bencana Kerja dan Skim Keilatan.

Pencarum PERKESO yang dijangkiti COVID-19 **akibat/terbit dari aktiviti pekerjaan** mereka adalah layak dilindungi di bawah Skim Bencana Kerja yang menyediakan faedah berikut:

- i. Faedah Hilang Upaya Sementara
- ii. Faedah Hilang Upaya Kekal
- iii. Kemudahan Pemulihan Jasmani
- iv. Faedah Orang Tanggungan
- v. Faedah Pengurusan Mayat

Manakala, bagi pencarum PERKESO yang dijangkiti COVID-19 **bukan berpunca** dari pekerjaannya dan telah menyebabkan keuzuran yang berkekalan dan tidak berupaya bekerja semula termasuk menyebabkan kematian, perlindungan disediakan di bawah Skim Keilatan yang meliputi faedah berikut:

- i. Pencen Ilat
- ii. Bantuan Ilat
- iii. Kemudahan Pemulihan Jasmani
- iv. Pencen Penakat
- v. Faedah Pengurusan Mayat



**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS, TAHUN 2021**

**PERTANYAAN : JAWAB LISAN**

**DARIPADA : PUAN TERESA KOK SUH SIM [ SEPUTEH ]**

**TARIKH : 7 OKTOBER 2021 ( KHAMIS )**

**SOALAN**

**PUAN TERESA KOK SUH SIM [ SEPUTEH ]** minta **MENTERI SUMBER MANUSIA** menyatakan jumlah kekurangan pekerja di sektor perladangan dan pertanian dan langkah yang telah diambil oleh Kementerian untuk mengatasi masalah kekurangan pekerja di sektor perladangan sawit dan sektor pertanian yang menyebabkan kerugian berbilion-bilion ringgit.

**JAWAPAN**

Tuan Yang Di Pertua,

Sehingga **30 Jun 2021**, jumlah pekerja asing yang berdaftar dan dikeluarkan Pas Lawatan Kerja Sementara (PLKS) adalah **1,113,584** orang. Perincian mengikut sektor adalah seperti berikut (Jadual 1):

Jadual 1: Jumlah pekerja asing mengikut sektor  
sehingga 30 Jun 2021

<b>Sektor</b>	<b>Jumlah</b>
Perkilangan	405,591
Pembinaan	222,556
Perladangan	145,541
Perkhidmatan	163,299
Pertanian	87,576
Pembantu Rumah Asing	88,944
Perlombongan & Pengkurian	77
<b>JUMLAH</b>	<b>1,113,584</b>

Sumber: MyIMMs, Jabatan Imigresen Malaysia, 2021

Berdasarkan Jadual 1, seramai **145,541** pekerja asing bekerja dalam **sektor perladangan** dan **87,576** pekerja asing yang bekerja dalam **sektor pertanian**. Sektor perladangan dan sektor pertanian adalah dua sektor yang mempunyai kadar kebergantungan yang tinggi terhadap pekerja asing dan amat terjejas dengan pelaksanaan moratorium terhadap pengambilan pekerja asing baharu yang berkuatkuasa sejak Mac 2020.

Untuk mengatasi kekurangan pekerja asing terutamanya dalam sektor-sektor ekonomi negara termasuk dalam sektor pertanian dan perladangan, Kerajaan telah memperkenalkan dan melaksanakan beberapa inisiatif seperti berikut:

- i. Program Rekalibrasi Tenaga Kerja (RTK) pada 16 November 2020 dan dilaksanakan sehingga 31 Disember 2021. Program RTK adalah inisiatif

jangka pendek bagi meregularisasikan Pendatang Tanpa Izin (PATI) dalam negara menjadi pekerja asing yang sah bagi membantu industri mendapatkan tenaga kerja bagi sektor - sektor yang kurang diminati rakyat tempatan.

Lima (5) sektor yang dibenarkan menyertai Program RTK adalah perkilangan, pembinaan, perladangan, pertanian dan perkhidmatan (sub sektor restoran, kargo, pembersihan dan pencucian serta borong dan runcit). Dari 16 November sehingga 05 Julai 2021, Jabatan Tenaga Kerja Semenanjung Malaysia telah menerima sebanyak 6,230 permohonan Perakuan Rekalibrasi yang melibatkan permohonan seramai 232,390 orang pekerja asing dan 1,412 permohonan telah diluluskan melibatkan seramai 47,387 orang.

- ii. Mengalakkan sektor-sektor berintensifkan buruh beralih kepada automasi dan mekanisasi dengan mengambil sejajar dengan peralihan ke era IR 4.0. Peralihan kepada automasi dan mekanisasi dengan penggunaan teknologi terkini yang '*complement*' (*skill-complementary technologies*) tenaga kerja akan membolehkan pewujudan pekerjaan yang memerlukan kemahiran dan sekaligus mengurangkan kebergantungan kepada pekerja asing berkemahiran rendah. Disamping itu, penggunaan teknologi dan inovasi dalam pengeluaran akan membolehkan industri-industri berintensif buruh '*move up the value chain*.'
- iii. Meningkatkan penyertaan Orang Kurang Upaya (OKU), pesara, bekas banduan, bekas penagih dadah dan gelandangan ke pasaran buruh.
- iv. Menetapkan kadar gaji minimum bagi menarik minat lebih ramai pencari kerja tempatan. Pada masa ini, Kerajaan telah melaksanakan kadar gaji minimum RM1,200 sebulan bagi pekerja-pekerja di wilayah bandar-bandar utama dan RM1,100 sebulan bagi pekerja-pekerja di luar wilayah bandar-bandar utama.

- v. Memperkenalkan peraturan-peraturan kerja separa masa bagi menggalak dan mempertingkat penyertaan tenaga kerja tempatan khususnya suri rumah dan golongan **NEETs** (*Not in Employment, Education or Training*).
- vi. Penyediaan kemudahan penginapan dan rumah ladang kepada bukan hanya kepada pekerja asing tetapi juga kepada pekerja tempatan dengan menguatkuasakan Akta Standard Minimum Perumahan, Penginapan dan Kemudahan Pekerja 1990 [Akta 446]. Faktor penyediaan penginapan yang kondusif, sesuai dan selamat ini juga dapat menjadi faktor penarik kepada rakyat tempatan untuk mengisi kekosongan jawatan yang ditawarkan dan menggantikan (*substituted*) pekerja asing dalam sektor-sektor yang kekurangan pekerja.
- vii. Dalam tempoh pembekuan pengambilan pekerja asing yang baharu, Kerajaan juga telah memanfaatkan pekerja asing sedia ada dalam negara dengan memperkenalkan inisiatif pertukaran majikan dengan:
  - (a) majikan yang menggajikan pekerja asing sedia ada boleh menyerahkan kesemua atau sebahagian pekerja asingnya jika tidak mampu meneruskan penggajian mereka;
  - (b) pertukaran majikan boleh merentasi sektor (*cross-sector*); dan
  - (c) majikan yang menyerahkan pekerja asing kepada majikan lain tidak akan disenaraihitamkan dan mereka akan dibenarkan memohon pekerja asing semula apabila ekonomi kembali pulih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : DATO' SERI DR. WAN AZIZAH WAN  
ISMAIL [ PANDAN ]**

**TARIKH : 7 OKTOBER 2021 ( KHAMIS )**

**SOALAN**

**DATO' SERI DR. WAN AZIZAH WAN ISMAIL** minta **MENTERI KESIHATAN** menyatakan apakah polisi dan strategi Kementerian dalam penambahbaikan fasiliti dan kemudahan pusat-pusat kesihatan bagi menampung pesakit bukan COVID-19 yang memerlukan perkhidmatan kesihatan segera berikutan banyak yang dijadikan Hospital COVID-19 penuh, serta menghindar jangkitan COVID-19 dalam kalangan pesakit bukan COVID-19.

**JAWAPAN**

Tuan Yang di-Pertua,

1. Bagi memastikan perkhidmatan kesihatan sentiasa berterusan dan tidak terjejas, Kementerian Kesihatan telah menyediakan dan melaksanakan inisiatif-inisiatif seperti berikut :

- (i) Hospital awam merangkumi 146 hospital Kementerian Kesihatan Malaysia, tiga (3) hospital Angkatan Tentera dan tujuh (7) Hospital Universiti dibahagikan kepada Hospital *full COVID-19*, *Hybrid COVID-19* dan *Non COVID-19*. Hospital *full COVID-19* menyediakan rawatan untuk pesakit COVID-19 sahaja dan pesakit selain COVID-19 akan dirujuk ke hospital lain. Hospital *hybrid COVID-19* merawat pesakit COVID-19 dan lain-lain dan hospital *non COVID-19* menyediakan rawatan untuk pesakit selain COVID-19. Dalam hal ini, pesakit selain COVID-19 dirawat di hospital *Hybrid COVID-19* dan *Non COVID-19* yang kini berjumlah 142 hospital;
- (ii) Hospital-hospital Daerah Tanpa Pakar yang termasuk dalam hospital *Hybrid COVID-19* dan *Non COVID-19* turut dioptimumkan untuk menjalankan prosedur atau pembedahan tertentu melalui konsep Hospital Kluster;
- (iii) Penyumberluaran perkhidmatan tertentu kepada hospital swasta untuk mengurangkan waktu menunggu prosedur atau pembedahan terutamanya bagi kes-kes kritikal dan separa kritikal dilaksanakan. Pada masa ini, Kementerian Kesihatan Malaysia bekerjasama dengan 76 buah hospital swasta seluruh Malaysia. Sehingga 31 Julai 2021, sebanyak 3,974 prosedur telah dilakukan;
- (iv) Pemanjangan waktu operasi klinik pakar dan dewan bedah selepas waktu pejabat termasuk pada hari Sabtu bagi hospital-hospital tertentu turut dilaksanakan;

- (v) Perkhidmatan secara maya, termasuk '*virtual clinic*' yang telah dimulakan dan akan diperluaskan dibeberapa hospital serta klinik kesihatan; dan
- (vi) Perkhidmatan Ubat Melalui Pos (UMP) bagi membekalkan ubat susulan terus ke lokasi pilihan pesakit melalui pos.

Tuan Yang di-Pertua,

2. Bagi melindungi keselamatan pesakit bukan COVID-19 daripada dijangkiti COVID-19 semasa mereka mendapatkan rawatan di fasiliti kesihatan, langkah-langkah kawalan infeksi serta pengesanan awal telah dipertingkatkan seperti berikut:

- (i) Menjalankan saringan pra-kemasukan ke wad (pre-admission screening) bagi kumpulan pesakit yang disasarkan (sebagai contoh pesakit dari pusat hemodialysis, pesakit dengan tahap imuniti yang rendah, pesakit buah pinggang, pesakit kanser) dan juga dari golongan tertentu seperti penghuni pusat tahanan dan rumah orang-orang tua dimana ujian saringan RTK-Ag atau RT-PCR akan dijalankan sebelum pesakit dimasukkan ke wad. Pesakit yang bergejala atau memenuhi kriteria tertentu akan ditempatkan di tempat yang berasingan sementara menunggu keputusan ujian COVID-19;
- (ii) Pesakit juga perlu menjalani ujian saringan COVID-19 mengikut kriteria yang ditetapkan sebelum menjalani sesuatu prosedur atau pembedahan. Peneman atau penjaga turut dimestikan untuk menjalani ujian COVID-19 sebelum dibenarkan untuk menjaga pesakit di hospital;
- (iii) Semua pesakit yang datang ke hospital atau fasiliti kesihatan akan menjalani saringan suhu badan dan saringan risiko COVID-19;
- (iv) Pesakit yang disyaki atau mempunyai symptoms yang berkaitan dengan jangkitan COVID-19 daripada pesakit-pesakit lain di

dalam bilik isolasi atau kawasan khas serta memastikan langkah pencegahan dan kawalan jangkitan (seperti amalan kebersihan tangan, pemakaian alat perlindungan diri yang sesuai dipatuhi);

- (v) Menjalankan disinfeksi persekitaran secara berkala dan disinfeksi khusus kawasan-kawasan dan kubikel pesakit COVID-19 atau pesakit yang disyaki COVID-19;
- (vi) Mewujudkan satu pasukan khas di fasiliti kesihatan bagi merawat pesakit yang disyaki atau pesakit yang telah disahkan COVID-19, yang mana pasukan ini tidak akan merawat pesakit bukan COVID-19 untuk mengelakkan jangkitan silang;
- (vii) Memastikan anggota kesihatan sentiasa mengamalkan pencegahan dan kawalan jangkitan seperti amalan kebersihan tangan dan pemakaian alat perlindungan diri yang bersesuaian semasa memberikan rawatan kepada semua pesakit tanpa mengira status penyakit mereka;
- (viii) Memastikan pesakit serta penjaga pesakit mematuhi arahan pemakaian pelitup muka, mengamalkan kebersihan tangan, mengamalkan etika batuk serta penjarakan fizikal sekurang-kurangnya 1-2 meter semasa mereka berada di fasiliti kesihatan;
- (ix) *Menghadkan* kemasukan pelawat bagi mengelakkan berlakunya penularan jangkitan COVID-19 di kalangan pesakit di fasiliti kesihatan; dan
- (x) Melakukan pemantauan dan penyiasatan terhadap sebarang kes *outbreak* di dalam hospital bagi mengawal dan menghalang sebarang rebakan penyakit COVID-19.

3. Langkah-langkah ini diambil bagi memastikan pesakit COVID-19 terus mendapat rawatan dan dilindungi daripada jangkitan COVID-19 semasa mendapatkan rawatan di fasiliti kesihatan.

Sekian, terima kasih.



**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS TAHUN 2021**

**PERTANYAAN : JAWAB LISAN**

**DARIPADA : YB PUAN TERESA KOK SUH SIM [SEPUTEH]**

**TARIKH : 7 OKTOBER 2021 (KHAMIS)**

**SOALAN**

**PUAN TERESA KOK SUH SIM [ SEPUTEH ]** minta **MENTERI SUMBER MANUSIA** menyatakan dasar baru pengambilan pekerja asing ke Malaysia. Apakah yang akan dilakukan oleh Kerajaan terhadap beribu-ribu tahanan PATI yang sudah menjalani hukuman tetapi masih berada dalam tahanan.

**JAWAPAN**

**Tuan Yang Di Pertua,**

Dalam keadaan terdapat dua (2) dasar baharu pengambilan pekerja asing iaitu:

- i. Program Rekalibrasi Tenaga Kerja  
Program ini diperkenalkan pada 16 November 2020 bagi menangani isu kekurangan tenaga kerja susulan daripada pembekuan pengambilan tenaga kerja baharu. Program ini dilaksanakan secara bersama antara Jabatan Imigresen Malaysia (JIM) dan Jabatan Tenaga Kerja Semenanjung Malaysia (JTKSM); dan
- ii. Program Pertukaran Majikan  
Kerajaan pada 4 Jun 2020 telah bersetuju menambahbaik prosedur Permohonan Pertukaran Majikan sedia ada dengan memberi kelonggaran kepada majikan untuk membuat *cross sector*. Kelonggaran turut diberi kepada majikan asal untuk melepaskan sebilangan pekerja dan majikan asal tersebut tidak akan disenarai hitam.

Berdasarkan maklumat dari Kementerian Dalam Negeri (KDN), sehingga 25 Ogos 2021, JIM telah merekodkan seramai 17,955 orang tahanan di Depot Imigresen di seluruh negara terdiri daripada pelbagai warganegara. Para tahanan ini ditempatkan di Depot Imigresen sebelum dihantar pulang ke negara asal setelah selesai menjalani hukuman tertakluk kepada Akta Imigresen 1959/63 [Akta 155] dan Peraturan-Peraturan Imigresen 1963.

Proses penghantaran pulang tahanan ke negara asal yang dikendalikan oleh JIM turut merangkumi kerjasama dengan pihak Perwakilan Asing. Ini termasuklah urusan pengesahan warganegara, penyediaan dokumen perjalanan dan pembiayaan kewangan bagi

**SOALAN NO : 41**

menampung kos penghantaran pulang tahanan ke negara asal. Sekiranya Perwakilan Asing tidak dapat membiayai kos pengusiran, maka kos tersebut akan ditanggung oleh majikan atau tahanan itu sendiri.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : TUAN MA'MUN BIN SULAIMAN  
[ KALABAKAN ]**

**TARIKH : 7 OKTOBER 2021 ( KHAMIS )**

**SOALAN**

**TUAN MA'MUN BIN SULAIMAN** minta **MENTERI KESIHATAN** menyatakan bidang tanggungjawab bagi setiap seorang Timbalan Menteri dalam memandu Kementerian menyelesaikan pelbagai masalah yang berkaitan dengan perihal kesihatan awam sejak bermulanya pentadbiran Kerajaan Persekutuan baharu pada Mac tahun lalu.

**JAWAPAN**

Tuan Yang di-Pertua,

1. Tanggungjawab Menteri Kesihatan dan Timbalan Menteri Kesihatan adalah sepertimana yang telah disiarkan dalam Warta kerajaan Persekutuan, Perintah Menteri-Menteri Kerajaan Persekutuan (No.3) 2020 yang telah diwartakan pada 9 Julai 2021.
2. Selaras dengan bidang kuasa dan fungsi Menteri Kesihatan yang telah diwartakan, Timbalan Menteri Kesihatan adalah bertanggungjawab untuk membantu Menteri Kesihatan bagi memastikan segala dasar dan perancangan kesihatan dilaksanakan dengan jayanya.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : DATUK SERI DR. MUJAHID BIN YUSOF  
RAWA [ PARIT BUNTAR ]**

**TARIKH : 7 OKTOBER 2021 ( KHAMIS )**

**SOALAN**

**DATUK SERI DR. MUJAHID BIN YUSOF RAWA** minta **MENTERI KESIHATAN** menyatakan apakah status pembinaan Hospital Parit Buntar dan bilakah pembinaan hospital ini dapat disiapkan setelah beberapa kali berlaku kelewatan dari jadual asal.

**JAWAPAN**

Tuan Yang di-Pertua,

1. Projek Pembinaan Hospital Parit Buntar, Perak telah diluluskan pada tahun 2013 di bawah Rancangan Malaysia Kesepuluh (RMKe-10), *Rolling Plan* Ketiga (RP-3) dengan kos keseluruhan sebanyak RM173,345,000. Projek ini telah ditender pada 14 Ogos 2017 dan tarikh siap baharu ialah pada 18 Oktober 2022.
2. Pembinaan hospital ini mengalami kelewatan kerana terdapat perubahan rekabentuk dan komponen IBS serta penguatkuasaan Perintah Kawalan Pergerakan (PKP). Antara punca lain kelewatan adalah disebabkan kekurangan tenaga kerja di tapak bagi mematuhi SOP di tapak bina yang menghadkan 60% tenaga kerja. Selain itu, pelaksanaan PKP 3.0 turut memberi kesan kepada rantai bekalan bahan binaan untuk kegunaan di tapak dan menjejaskan pelaksanaan projek. Oleh yang demikian, kontraktor telah diberi lanjutan tempoh masa (EOT) sebanyak empat (4) kali dengan jumlah keseluruhan sebanyak 659 hari.
3. Buat masa ini, Hospital Parit Buntar berada dalam fasa pembinaan dengan kemajuan fizikal sebenar sehingga bulan Julai 2021 adalah sebanyak **35%** berbanding jadual sebanyak 45.87%.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS, TAHUN 2021**

**PERTANYAAN : JAWAB LISAN**

**DARIPADA : TUAN RAMKARPAL SINGH A/L KARPAL SINGH  
[BUKIT GELUGOR]**

**TARIKH : 7 OKTOBER 2021 (KHAMIS)**

**SOALAN**

**TUAN RAMKARPAL SINGH A/L KARPAL SINGH [BUKIT GELUGOR]** minta **MENTERI SUMBER MANUSIA** menyatakan langkah-langkah jangka masa Panjang yang diambil oleh Kerajaan bagi menangani isu penurunan kadar upah graduan baharu seperti yang dilaporkan baru-baru ini yang mana boleh menyebabkan *brain drain* dalam negara kita bertambah teruk lagi.

**JAWAPAN**

**Tuan Yang Di Pertua,**

Isu penurunan kadar upah graduan baharu perlu dilihat daripada beberapa sudut. Pertama, sama ada status pekerjaan mereka adalah pekerja tetap, separuh masa, kontrak atau sambilan. Kedua, sama ada kaedah pembayaran gaji mereka berdasarkan kiraan jam, harian, mingguan, bulanan atau mengikut tugas. Ketiga, adakah mereka bekerja dalam bidang yang bersesuaian dengan kelulusan mereka. Terdapat kemungkinan graduan sedang dalam proses mencari pekerjaan yang sesuai dengan kelayakan. Dalam pada itu, mereka tetap bekerja walaupun dalam bidang pekerjaan yang tidak setaraf dengan kelayakan dan bidang kelulusan untuk mencari pengalaman sementara mendapatkan pekerjaan yang lebih sesuai.

Sebagai langkah jangka masa panjang yang diambil oleh Kerajaan bagi menangani isu penurunan kadar upah graduan baharu, Kementerian Sumber Manusia telah menerbitkan Buku Panduan Gaji Permulaan 200 Pekerja Terpilih Berasaskan Kemahiran (Buku Panduan Gaji). Tujuan utama Buku Panduan Gaji adalah untuk mengiktiraf graduan lepasan institusi latihan kemahiran atau universiti dan seterusnya meningkatkan penyertaan tenaga mahir dalam pasaran tenaga kerja negara. Kewujudannya tidak bersifat mandatori dan hanyalah sebagai panduan bagi majikan dalam menetapkan gaji permulaan bagi sesuatu pekerjaan berasaskan kemahiran.

Bagi graduan yang memiliki diploma, ijazah sarjana muda atau ijazah sarjana, gaji mereka tidak ditentukan melalui gaji minimum tetapi melalui rundingan antara graduan tersebut dengan pihak majikan. Pihak majikan dan graduan boleh berunding untuk menentukan tangga gaji yang lebih tinggi daripada gaji minimum, setimpal dengan kelayakan dan kemahiran mereka.



## SOALAN NO : 44

Berdasarkan data terkini Laporan Survei Tenaga Buruh oleh Jabatan Perangkaan Malaysia (DOSM) pada suku kedua 2021, bilangan penduduk bekerja meningkat kepada 15.21 juta orang berbanding 14.88 juta orang yang direkodkan pada suku kedua 2020.

Melihat kepada komposisi penduduk bekerja mengikut kategori kemahiran, guna tenaga mahir mencatatkan 28.6% iaitu 4.35 juta orang manakala guna tenaga separuh mahir mencatatkan 59.5% iaitu 9.05 juta orang.

Bagi meningkatkan peluang pekerjaan khususnya bagi kategori mahir dan separuh mahir sebagai usaha menangani '*brain drain*' atau kehilangan sumber manusia berkualiti dalam negara, Kerajaan akan terus menggalakkan industri supaya beralih kepada penggunaan automasi dan teknologi canggih yang dapat mewujudkan permintaan terhadap pekerja berkemahiran tinggi. Dalam masa sama, kebergantungan kepada pekerja asing berkemahiran rendah akan turut dikurangkan secara berperingkat.

Kerajaan juga akan memastikan keutamaan penggajian diberikan kepada warga tempatan terutamanya dalam bidang berkepakaran tinggi. Pengambilan ekspatriat asing hanya akan dilakukan apabila kemahiran atau kepakaran yang diperlukan tidak dimiliki oleh warga tempatan atau bilangannya sangat terhad untuk memenuhi kekosongan jawatan yang ditawarkan.

Dalam hal ini, Kementerian Sumber Manusia melalui Talent Corporation Malaysia Berhad (TalentCorp) (ILMIA) telah membangunkan *Critical Occupations List* (COL) yang bertujuan memberi penekanan terhadap kebolehpasaran tempatan dengan mengenalpasti kemahiran dan pekerjaan yang sukar dipenuhi merangkumi keperluan tenaga kerja mahir dan separa mahir. COL juga digunakan sebagai rujukan dalam mempertimbangkan kelulusan penggajian ekspatriat asing oleh pihak berkuasa yang terlibat.

**SOALAN NO : 44**

Kerajaan akan sentiasa berusaha menambah baik inisiatif yang telah dilaksanakan bagi menangani isu '*brain drain*' dalam negara serta meningkatkan peluang pekerjaan mahir dan separuh mahir selain mengekalkan bakat berkemahiran tinggi untuk menyumbang ke arah pembangunan negara.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS TAHUN 2021**

**PERTANYAAN : JAWAB LISAN**

**DARIPADA : TUAN HASSAN BIN ABDUL KARIM  
[ PASIR GUDANG ]**

**TARIKH : 7 OKTOBER 2021 (KHAMIS)**

**SOALAN**

**TUAN HASSAN BIN ABDUL KARIM [ PASIR GUDANG ]** minta **MENTERI SUMBER MANUSIA** menyatakan mengapakah berlakunya kadar penularan wabak penyakit COVID-19 yang tinggi di sektor perindustrian sedangkan pelbagai undang-undang telah digubal dan sedia berkuatkuasa di bawah bidang kuasa Kementerian Sumber Manusia.

**JAWAPAN**

**Tuan Yang Di Pertua,**

Berdasarkan kenyataan yang dikeluarkan oleh Ketua Pengarah Kesihatan pada 29 September 2021, sebanyak 5,462 kluster telah direkodkan. Bagaimanapun, data terkini berkaitan kluster tempat kerja tidak dapat diperolehi dan sehingga 14 Jun 2021, sejumlah 1,328 kluster tempat kerja telah dilaporkan.

Merujuk laporan dari Kementerian Kesihatan Malaysia (KKM), dari 25 Januari sehingga 25 Ogos 2021, jumlah kes positif COVID-19 bagi kluster tempat kerja adalah sebanyak 203,783 kes.

Pelbagai prosedur dan langkah pencegahan telah dikongsi bersama dengan majikan dan pekerja, namun kluster di tempat kerja masih meruncing. Terdapat pelbagai punca penyebaran termasuklah penyebaran selepas waktu bekerja di kalangan ahli keluarga, rakan serumah (penginapan) dan jangkitan komuniti. Seterusnya menjadi kluster tempat kerja selepas pekerja yang positif membawa virus ke tempat pekerjaan.

Kerajaan menerusi Jabatan Tenaga Kerja Semenanjung Malaysia (JTKSM) dan Jabatan Keselamatan dan Kesihatan Pekerjaan (JKKP) telah mengambil tindakan awal bagi mengekang penularan pandemik COVID-19 di tempat kerja dan penginapan pekerja dengan menyediakan panduan dan soalan lazim berhubung isu-isu berkaitan kawalan penularan di tempat kerja yang melibatkan peruntukan di bawah Akta Kerja 1955 [Akta 265].

JTKSM juga menyediakan Tatacara Operasi Standard (*Standard Operating Procedure, SOP*) berkaitan pencegahan penularan COVID-19 dalam penginapan pekerja. Manakala JKKP pula mengeluarkan prosedur kerja selamat pencegahan COVID-19 di tempat kerja.

Pelbagai usaha dan langkah susulan juga telah dilakukan oleh Kerajaan dalam mengekang penularan wabak ini pada ketika diisytiharkan sebagai pandemik antaranya, memulakan penguatkuasaan Akta Standard Minimum Perumahan, Penginapan dan Kemudahan Pekerja 1990 [Akta 446] mulai 1 Jun 2020.

Dengan penguatkuasaan Akta 446, semua sektor pekerjaan yang menyediakan penginapan kepada pekerja perlu mematuhi standard minimum penginapan yang ditetapkan di bawah Akta dan Peraturan. Manakala majikan yang menggaji pekerja asing adalah diwajibkan untuk menyediakan penginapan dan mematuhi peruntukan Akta.

Operasi pemeriksaan penginapan di bawah Akta 446 dilipat gandakan di seluruh negara melibatkan bukan hanya pegawai JTKSM tetapi juga pegawai-pegawai agensi lain yang diturunkan kuasa di bawah Ordinan Darurat (Standard Minimum Perumahan, Penginapan dan Kemudahan Pekerja) 2021 untuk memastikan pematuhan di kalangan majikan, terutamanya majikan yang diadukan.

Setakat 25 Ogos 2021, sebanyak 23,993 majikan telah diperiksa yang melibatkan 129,668 tempat penginapan yang dihuni oleh 804,204 pekerja asing dan 1,158,612 pekerja tempatan. Susulan pemeriksaan tersebut juga, sebanyak 940 kertas siasatan telah dibuka dan sebanyak 618 kompaun telah dikeluarkan atas pelbagai kesalahan seperti kegagalan memohon perakuan penginapan dan kegagalan memenuhi standard minimum penginapan seperti penyediaan almari, katil, tilam dan bantal kepada setiap pekerja, bilangan pekerja melebihi kapasiti maksimum yang ditetapkan di bawah Peraturan dan lain-lain kesalahan yang ditetapkan di bawah Akta ini.

Dalam masa yang sama, sebanyak 12,195 permohonan Perakuan Penginapan di bawah Akta 446 telah dibuat oleh majikan dan penyedia penginapan berpusat (*centralised labour quarters*, CLQ) melibatkan 992,743 pekerja.

Selain itu, melalui penguatkuasaan Ordinan Darurat, sebanyak 49 arahan pindah ke penginapan sementara telah dikeluarkan kepada

majikan dan penyedia penginapan berpusat yang mempunyai penginapan yang tidak sesuai untuk didiami manusia dan kotor untuk ditambahbaik atau diganti dan diubah. Arahan pindah ini melibatkan 2,942 pekerja.

Selanjutnya Jabatan Tenaga Kerja (JTK) dan JKPP diberi kuasa menguatkuasakan Akta Pencegahan dan Pengawalan Penyakit Berjangkit 1988 [Akta 342] di tempat kerja dan penginapan pekerja bermula pada 21 Mac 2020. Ini termasuklah diberi kuasa oleh Ketua Pengarah Kesihatan, KKM bermula 1 Jun 2021 untuk mengeluarkan kompaun di bawah Akta yang sama.

Bagi tempoh 1 Jun 2021 sehingga 30 Ogos 2021, Kerajaan melalui JTKSM dan JKPP telah menjalankan penguatkuasaan Akta 342 ke atas 6,927 tempat kerja. Hasil penguatkuasaan tersebut sebanyak 515 kompaun berjumlah RM4.7 juta telah dikeluarkan, melibatkan sektor pengilangan (253 kes), pembinaan (64 kes), perkhidmatan (125 kes) dan lain-lain sektor (73 kes). Antara kesalahan yang telah dikenalpasti dan dikenakan kompaun ialah majikan gagal mematuhi kapasiti kehadiran pekerja, premis beroperasi tanpa kebenaran, pemilik premis gagal melaksanakan penjarakan fizikal dan gagal menyediakan laluan keluar masuk dan lain-lain kesalahan.

Selain itu, Kerajaan menerusi JKPP, bekerjasama agensi-agensi lain terutama KKM telah membangunkan satu Panduan Pengudaraan dan Kualiti Udara Dalam (Indoor Air Quality, IAQ) dalam tempoh pandemik Covid-19. Objektif utama panduan ini adalah untuk memberi maklumat kepada masyarakat tentang kaedah bagi menambahbaik pengudaraan dan kualiti udara dalaman di tempat kerja, kemudahan kesihatan, kediaman dan tempat awam bagi mengurangkan risiko penularan Covid-19 melalui udara.

Kementerian menyeru semua pihak termasuk majikan dan pekerja agar dapat mengguna pakai segala panduan, langkah, prosedur dan soalan lazim khususnya di tempat kerja yang telah dikeluarkan bagi memastikan kita semua berjaya memutuskan rantai pandemik Covid-

**SOALAN NO : 45**

19, demi kelangsungan ekonomi, sosial dan kesejahteraan rakyat Malaysia.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : TUAN LARRY SOON @ LARRY SNG WEI SHIEN [ JULAU ]**

**TARIKH : 7 OKTOBER 2021 ( KHAMIS )**

**SOALAN**

**TUAN LARRY SOON @ LARRY SNG WEI SHIEN** minta **MENTERI KESIHATAN** menyatakan:-

- (a) apakah pihak Kementerian bersedia untuk memperakui dan mengiktiraf rakyat Malaysia yang mendapatkan suntikan vaksin mereka di luar negara Malaysia; dan
- (b) bagaimana mereka ini diiktiraf atau diberikan salinan sijil digital di aplikasi MySejahtera sedangkan mereka tidak menerima suntikan di dalam negara.

**JAWAPAN**

Tuan Yang di-Pertua,

1. Pada dasarnya, Kerajaan mengiktiraf vaksin COVID-19 yang telah diluluskan oleh badan-badan regulatori antara bangsa seperti *Food and Drug Administration* (FDA), Amerika Syarikat, *Medicines and Healthcare Products Regulatory Agency* (MHRA), United Kingdom dan *European Medicines Agency* (EMA), Eropah. Selain itu, Kerajaan juga mengiktiraf vaksin COVID-19 yang telah dimasukkan dalam senarai *Emergency Use List* (EUL) oleh WHO untuk kegunaan segera kawalan pandemik.



2. Untuk kegunaan di dalam negara pula, semua vaksin perlu dinilai oleh pihak Bahagian Regulatori Farmasi Negara (NPRA) dan diluluskan oleh Pihak Berkuasa Dadah Kebangsaan (PBKD). Pada masa ini, vaksin COVID-19 yang telah diluluskan pendaftaran secara bersyarat oleh PBKD ialah Comirnaty (Pfizer-BioNTech), COVID-19 AstraZeneca (Oxford-AstraZeneca), CoronaVac (Sinovac), Convidecia (CanSino), COVID-19 Janssen (Johnson & Johnson), Covilo (Sinopharm) and Spikevax (Moderna).

3. Rakyat Malaysia yang telah mendapatkan suntikan vaksin yang diiktiraf di luar negara boleh mendapatkan Sijil Vaksinasi COVID-19 Digital melalui aplikasi MySejahtera. Pemohon perlu mengemukakan permohonan Sijil Vaksinasi Digital di Pejabat Kesihatan Daerah (PKD) berdekatan dengan syarat-syarat berikut:

- (i) Pemohon perlu mendaftar dengan MySejahtera;
- (ii) Pemohon perlu mengemukakan bukti penerimaan vaksin di luar negara yang dengan maklumat berikut:
  - a. nama penerima vaksin untuk tujuan verifikasi dengan kad pengenalan atau passport;
  - b. nama vaksin/Pengilang;
  - c. tarikh penerimaan vaksin mengikut dos; dan
  - d. tempat dan negara pemberian suntikan.

4. Permohonan yang lengkap akan diproses dan Sijil Vaksinasi COVID-19 Digital akan dikeluarkan melalui MySejahtera dalam tempoh seminggu selepas permohonan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : PUAN JUNE LEOW HSIAD HUI  
[ HULU SELANGOR ]**

**TARIKH : 7 OKTOBER 2021 ( KHAMIS )**

**SOALAN**

**PUAN JUNE LEOW HSIAD HUI [ HULU SELANGOR ]** minta **MENTERI KESIHATAN** menyatakan tahap keberkesanan pengambilan dos Booster vaksin bagi mencegah pelbagai varian COVID-19 yang semakin mengganas serta apakah kesediaan negara dan mekanisma untuk melaksanakan pengambilan dos booster tersebut.

**JAWAPAN**

**Tuan Yang di-Pertua,**

1. Pertubuhan Kesihatan Sedunia (WHO) masih belum menetapkan piawaian ujian antibodi COVID-19. Oleh demikian, kerajaan Malaysia mengambil pendekatan untuk tidak menjadikan ujian antibodi sebagai ujian rutin selepas vaksinasi COVID-19. Pada masa ini, ujian antibodi COVID-19 hanya adalah digunakan untuk penyelidikan sahaja.
2. YAB Perdana Menteri telah mengumumkan pada 19 September 2021 bahawa kerajaan telah bersetuju untuk melaksanakan pemberian dos ketiga vaksin COVID-19 bagi meningkatkan perlindungan kepada golongan rentan daripada risiko jangkitan COVID-19.
3. Keutamaan akan diberikan kepada kumpulan yang berisiko tinggi terlebih dahulu seperti anggota barisan hadapan kesihatan, pesakit kurang daya tahan imun (*immunocompromised*), warga tua dengan komorbiditi dan individu yang tinggal atau bekerja di pusat jagaan jangka panjang (*long-term care facilities*). Pemberian dos ketiga vaksin COVID- 19 akan dilaksanakan apabila liputan imunisasi populasi dewasa di seluruh negara melebihi 80%. Bagi tujuan tersebut, panel pakar perubatan dan kesihatan sedang membangunkan garis panduan pelaksanaan pemberian dos ketiga dan pada yang sama permohonan untuk mendapatkan kelulusan Pihak Berkuasa Kawalan Dadah sedang dilaksanakan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS, TAHUN 2021**

**PERTANYAAN : LISAN**

**DARIPADA : TUAN SIM CHEE KEONG  
[BUKIT MERTAJAM]**

**TARIKH : 7 OKTOBER 2021 ( KHAMIS )**

**SOALAN**

**TUAN SIM CHEE KEONG [BUKIT MERTAJAM]** minta **MENTERI SUMBER MANUSIA** menyatakan bilangan orang yang kehilangan kerja mengikut pecahan setiap PKP berdasarkan tarikh PKP tersebut sehingga kini.

**JAWAPAN**

**Tuan Yang di-Pertua,**

Berdasarkan statistik Sistem Insurans Pekerjaan (SIP) PERKESO, jumlah kehilangan pekerjaan mengikut pecahan tarikh tempoh PKP adalah seperti berikut:

- i. Perintah Kawalan Pergerakan 1.0 (PKP 1.0) bagi tempoh 18 Mac 2020 sehingga 3 Mei 2020 adalah seramai 8,721 pekerja yang kehilangan pekerjaan;
- ii. Perintah Kawalan Pergerakan 2.0 (PKP 2.0) yang dilaksanakan pada 13 Januari 2021 sehingga 18 Februari 2021 telah merekodkan kehilangan pekerjaan seramai 9,098 pekerja; dan
- iii. Perintah Kawalan Pergerakan 3.0 (PKP 3.0) yang dilaksanakan daripada 7 Mei 2021 hingga 15 Jun 2021 adalah seramai 5,880 pekerja yang kehilangan pekerjaan.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : TUAN SANISVARA NETHAJI RAYER A/L  
RAJAJI [ JELUTONG ]**

**TARIKH : 7 OKTOBER 2021 ( KHAMIS )**

**SOALAN**

**TUAN SANISVARA NETHAJI RAYER A/L RAJAJI** minta **MENTERI KESIHATAN** menyatakan berapa bilangan individu yang telah meninggal dunia di negara kita akibat jangkitan wabak COVID-19 walaupun telah disuntik dengan dua dos suntikan vaksin.

**JAWAPAN**

Tuan Yang di-Pertua,

1. Bagi tempoh 1 Januari 2021 hingga 16 September 2021, sebanyak 21,884 kes kematian COVID-19 telah direkodkan. Daripada jumlah kematian tersebut, pecahan mengikut rekod vaksinasi adalah seperti berikut:

- (a) tidak menerima sebarang vaksin: 15,895 kes atau 72.6%
- (b) belum mendapat vaksin yang lengkap: 4,551 kes atau 20.8%
- (c) telah menerima vaksin lengkap: 1,438 kes atau 6.6%

2. Bagi kes kematian melibatkan individu yang telah menerima vaksin lengkap, 89% daripadanya adalah individu yang mempunyai ko-morbiditi dengan 3 jenis penyakit tertinggi iaitu darah tinggi (67.8%), kencing manis (54.6%), dan penyakit berkaitan kolesterol - dislipidemia (48.0%). Selain itu, daripada kalangan penerima vaksin lengkap yang telah meninggal dunia, 78.2% adalah individu berumur 60 tahun dan ke atas.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS**

**PERTANYAAN : LISAN**

**DARIPADA : TUAN MORDI BIMOL [ MAS GADING ]**

**TARIKH : 7.10.2021 (SELASA)**

**SOALAN**

**TUAN MORDI BIMOL** minta **MENTERI PEMBANGUNAN LUAR BANDAR** menyatakan rancangan Kerajaan dari segi peruntukan bagi kos bina baru sistem paip bekalan air graviti dan kos penyelenggaraan di kawasan luar bandar bagi bekalan air graviti yang sedia ada yang amat diperlukan dan nyatakan dengan jelas agensi Kerajaan yang bertanggungjawab bagi pelaksanaan projek sebegini.

**JAWAPAN**

**Tuan Yang di-Pertua,**

Untuk makluman Yang Berhormat, projek bekalan air alternatif termasuk di dalam skop pelaksanaan Program Bekalan Air Luar Bandar (BALB) bagi menyediakan bekalan air ke kampung yang tidak ekonomik untuk penyambungan paip retikulasi. Untuk melaksanakan projek BALB alternatif ini, sumber air alternatif seperti air bukit atau air bawah tanah di cadangan lokasi projek perlu dipastikan terlebih dahulu.

Bagi tujuan ini, waran peruntukan akan dikemukakan kepada Pejabat KPLB Negeri (PKN) sebagai Agensi Pelaksana. Pelaksanaan projek boleh dibuat dengan melibatkan Jabatan/ Agensi di peringkat negeri seperti Pejabat Daerah, Jabatan Kemajuan Orang Asli (JAKOA), Unit Bekalan Air dan Kebersihan Alam Sekeliling (BAKAS), Jabatan Mineral dan Geosains (JMG), Jabatan Bekalan Air Luar Bandar (JBALB) Negeri Sarawak dan seumpamanya. Perolehan projek ini dibuat dengan kaedah sebut harga bagi kos projek yang tidak melebihi RM800,000 untuk tahun 2021.

Projek yang telah siap akan diserahkan kepada komuniti kampung yang terlibat untuk digunakan dan diselenggara.

Sekian, terima kasih.



**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS**

**PERTANYAAN : LISAN**

**DARIPADA : DATUK SERI SHAMSUL ISKANDAR @ YUSRE  
BIN MOHD AKIN [ HANG TUAH JAYA ]**

**TARIKH : 7.10.2021 (KHAMIS)**

**SOALAN**

**DATUK SERI SHAMSUL ISKANDAR @ YUSRE BIN MOHD AKIN** minta **MENTERI PEMBANGUNAN LUAR BANDAR** menyatakan impak COVID-19 terhadap usahawan desa dan inisiatif Kementerian untuk membantu usahawan desa meneruskan perniagaan mereka melalui platform dalam talian.

**JAWAPAN**

**Tuan Yang di-Pertua,**

Impak Pandemik Covid-19 memberi kesan kepada sosio ekonomi seluruh dunia termasuk negara kita, Malaysia. Kesan langsung kepada usahawan luar bandar seperti kemerosotan permintaan dan penawaran produk, kekurangan stok bahan mentah, pengeluaran produk yang terhad, kesukaran membayar sewa premis perniagaan dan juga pinjaman perniagaan adalah kerana perniagaan secara fizikal perlu diberhentikan sepanjang tempoh Perintah Kawalan Pergerakan (PKP) yang dikuatkuasakan. Sehubungan itu, Kementerian Pembangunan Luar Bandar (KPLB) sentiasa berusaha untuk membantu usahawan-usahawan yang terjejas dengan memperkenalkan beberapa insentif melalui pendekatan pendigitalan dalam meningkatkan pemasaran produk usahawan-usahawan luar bandar.

Salah satu usaha yang telah dilaksanakan adalah Program DesaMall@KPLB. Program ini merupakan kaedah peluasan pasaran produk serta perkhidmatan usahawan luar bandar melalui platform e-

Dagang seperti Lazada, Shopee, eBay, PrestoMall dan GrabMart di samping membantu usahawan luar bandar menambahbaik mutu dan kualiti produk untuk kesediaan berniaga dalam talian. Sehingga kini, nilai jualan di DesaMall adalah sebanyak RM2.6 juta melibatkan 2,781 usahawan.

Seterusnya, Kementerian juga akan menganjurkan Karnival Usahawan Desa secara dalam talian atau e-KUD@KPLB pada penghujung tahun 2021 sebagai platform dalam talian yang akan mempromosi dan memasarkan produk serta perkhidmatan keluaran luar bandar secara lebih meluas bagi membantu pengembangan perniagaan usahawan luar bandar seiring dengan keperluan pasaran semasa. Pada tahun lepas, e-KUD@KPLB telah berjaya menarik penglibatan sebanyak 2,405 usahawan KPLB dan juga 13 platform e-dagang dengan jumlah transaksi keseluruhan berjumlah RM12.2 juta.

Selain daripada itu, MARA juga telah menyediakan program *Live Biz Network* bagi membantu usahawan menggunakan pelbagai platform media sosial dan e-dagang. Program yang telah dimulakan pada Mac 2021 ini telah memperlihatkan penglibatan seramai 104 usahawan dengan jumlah jualan terkumpul sebanyak RM3.5 juta.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**  
**DARIPADA : PUAN YEO BEE YIN [ BAKRI ]**  
**TARIKH : 7 OKTOBER 2021 ( KHAMIS )**

**SOALAN**

**PUAN YEO BEE YIN** minta **MENTERI KESIHATAN** menyatakan apa terjadi dengan *Hotspot Identification for Dynamic Engagement* (HIDE) dan MyTrace? Berapakah kos? Berapakah peratus kes positif yang dikenal pasti oleh *contact-tracing* dari sistem-sistem pengurusan pangkalan data yang dibangunkan oleh Kerajaan termasuk MySejahtera?

**JAWAPAN:**

Tuan Yang di-Pertua,

1. Analisis *Hotspot Identification for Dynamic Engagement* (HIDE) masih giat digunakan oleh Kementerian Kesihatan Malaysia dan agensi-agensi Kerajaan yang lain seperti Kementerian Perdagangan Antarabangsa dan Industri Malaysia (MITI), Kementerian Perdagangan Dalam Negeri dan Hal Ehwal Pengguna Malaysia (KPDNHEP), Majlis Keselamatan Negara (MKN) Jabatan Perdana Menteri, Polis Diraja Malaysia (PDRM) dan lain-lain untuk menjalankan aktiviti-aktiviti pencegahan penularan wabak. Sistem ini mengenal pasti kebarangkalian punca jangkitan COVID-19 di sesuatu lokasi. Untuk makluman Tuan Yang di-Pertua, tiada kos terlibat dalam pembangunan dan pelaksanaan HIDE kerana ia menggunakan data-data sedia ada dalam MySejahtera.

2. MyTrace adalah satu inisiatif di bawah Kementerian Sains, Teknologi dan Inovasi Malaysia (MOSTI) bagi tujuan pengesanan kontak pada peringkat awal berlakunya penularan tetapi telah ditamatkan penggunaannya pada bulan Disember 2020.

3. Sehingga kini, sebanyak 7% kes daripada keseluruhan kes COVID-19 telah dikenal pasti melalui penggunaan penilaian sendiri di MySejahtera, dan sebanyak 53% kes telah dikenal pasti melalui pengesanan kontak menggunakan MySejahtera.

Sekian terima kasih.

**PEMBERITAHUAN PERTANYAAN LISAN  
DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

---

**PERTANYAAN : LISAN**

**DARIPADA : TUAN CHA KEE CHIN [ RASAH ]**

**TARIKH : 7 OKTOBER 2021**

**SOALAN**

**YB TUAN CHA KEE CHIN** minta **MENTERI PERPADUAN NEGARA** menyatakan apakah yang bakal dirancang dan dilaksanakan oleh Kementerian ini selaras dengan konsep “Keluarga Malaysia”

**JAWAPAN**

1. **Semua Kementerian mempunyai peranan** dalam menggerakkan agenda dan program perpaduan **mengikut skop fungsi tugas masing-masing**. Manakala Kementerian Perpaduan Negara memainkan peranan sebagai peneraju kepada agenda perpaduan berpandukan **Dasar Perpaduan Negara dan Rangka Tindakan (Blueprint) Perpaduan Negara 2021-2030** yang telah dilancarkan pada 15 Februari 2021.

2. Menyentuh tentang **konsep Keluarga Malaysia**, dalam konteks perpaduan, Kementerian ini sedang memuktamadkan **KAMI @ Pelan Perpaduan Keluarga Malaysia** yang menekankan kepada isu dan permasalahan yang dirungkai berdasarkan hasil kajian dan **dibahagikan kepada empat (4) dimensi iaitu:**

- a. **Karib;**
- b. **Aksesibiliti;**
- c. **Majmuk; dan**
- d. **Inklusiviti.**

3. Dasar dan Pelan-pelan tindakan yang dibangunkan ini **merupakan suatu garis panduan yang tersusun bagi pelaksanaan program-program perpaduan** dalam usaha bersepadu melibatkan semua peringkat masyarakat untuk mencapai matlamat perpaduan sebagai sebuah keluarga Malaysia.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : TUAN CHARLES ANTHONY SANTIAGO  
[ KLANG ]**

**TARIKH : 7 OKTOBER 2021 ( KHAMIS )**

**SOALAN**

**TUAN CHARLES ANTHONY SANTIAGO** minta **MENTERI KESIHATAN** menyatakan kapasiti ujian genomik COVID-19 seharian, kadar penggunaan ujian genomik sebulan dari Januari hingga Ogos 2021, cara dan kriteria pemilihan sampel ujian. Sila nyatakan punca-punca kadar ujian saringan dan ujian genomik COVID-19 tidak dimaksimumkan mengikut cadangan WHO dan kapasiti masing-masing.

**JAWAPAN**

Tuan Yang di-Pertua,

1. Kapasiti ujian genomik COVID-19 yang melibatkan institusi di bawah Konsortium MOH-MOSTI-KPT sehingga 26 Ogos 2021 adalah 404 ujian. Kadar penggunaan ujian genomik sebulan dari bulan Januari hingga bulan Ogos 2021 yang dijalankan di Institut Penyelidikan Perubatan, Kementerian Kesihatan adalah 564 ujian.

2. Berhubung kriteria pemilihan sampel-sampel klinikal, Kementerian Kesihatan telah menggariskan kriteria yang bersesuaian untuk ujian genomik iaitu :

- (i) Kes-kes dari kawasan yang kadar jangkitan yang tinggi atau peningkatan kes yang sangat tinggi dalam masa yang singkat yang merangkumi:

- (a) Kumpulan umur yang lain;
  - (b) Kumpulan kes dari gejala ringan ke gejala teruk sehingga kematian; dan
  - (c) Lokaliti berlainan di sesuatu negeri.
- 
- (ii) Pintu masuk antarabangsa;
  - (iii) Kes-kes dari kawasan yang melibatkan peningkatan kes di kalangan kanak-kanak;
  - (iv) Kes kemudatan terutama di kalangan individu berumur kurang dari 60 tahun tanpa sebarang komorbid, termasuk kes-kes kemudatan yang melibatkan pesakit muda tanpa sebarang komorbid;
  - (v) Pesakit dengan gejala tidak biasa, termasuk keadaan kesihatan merosot pada kadar lebih cepat dan memerlukan rawatan rapi atau sebagainya;
  - (vi) Kes-kes yang disyaki mendapat jangkitan ulangan;
  - (vii) Pekerja kesihatan atau orang awam yang telah mendapat jangkitan COVID-19 walaupun telah mendapat vaksinasi penuh;
  - (viii) Sebarang kes kematian atau kes yang dibawa selepas kematian Brought-in-Dead (BID) dengan keputusan RT-PCR positif;
  - (ix) Kes-kes klinikal yang seakan-akan seperti COVID-19 walaupun ujian ulangan RT-PCR yang dibuat adalah negatif atau tidak dapat mengesan gen “spike”. Ujian yang digunakan tidak dapat mengesan gen “spike” kerana disebabkan mutasi yang dikaitkan dengan Variant of Concern (VOC). Keputusan ini boleh digunakan sebagai proksi untuk mengesan VOC;



- (x) Kes-kes dari surveilan SARI/ILI serta kes dipilih secara rawak.

3. Oleh kerana kandungan serta kualiti RNA adalah penting untuk memastikan kejayaan menjalankan penjujukan genom virus penuh, maka sampel-sampel klinikal yang dihantar seharusnya mempunyai ciri-ciri berikut:

- (i) Sampel yang mempunyai Ct kurang dari 25;
- (ii) Sampel dihantar ke makmal dengan memastikan rangkaian kesejukan (*cold chain*) tidak terputus dan sampel disimpan di suhu rendah yang sesuai; dan
- (iii) Memastikan sampel klinikal tidak melalui proses beku-cair beberapa kali oleh kerana akan memberi kesan kepada kualiti.

4. Berhubung ujian genomik COVID-19 yang tidak dimaksimumkan mengikut cadangan *World Health Organization* (WHO), ia disebabkan terdapatnya keperluan kritikal dari segi penambahan kapasiti agensi lain untuk membantu Kementerian Kesihatan menjalankan ujian genom. Ujian penjujukan penuh genom COVID-19 (*whole genome sequencing* - WGS) merupakan suatu kaedah yang perlu melalui beberapa proses dengan tempoh masa tertentu sebelum keputusan diperolehi. Kaedah ini biasanya akan mengambil masa dalam lingkungan 8 hingga 14 hari untuk melengkapkan satu *batch* sampel, yang terdiri dari 48 atau 96 sampel. Berdasarkan saranan WHO, sesebuah negara perlu melakukan lebih kurang 5% sampel positif. Pada masa ini, kadar penjujukan genom adalah lebih kurang 0.17% sahaja. Oleh yang demikian, untuk meningkatkan kapasiti, maka Konsortium KKM-MOSTI-KPT telah ditubuhkan supaya 3000 WGS dapat dijalankan dalam masa tiga (3) bulan mulai Ogos 2021. Dengan peningkatan kapasiti ini, dijangka kadar penjujukan genom COVID-19 akan melebihi 1% pada masa terdekat.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPATBELAS**

**PERTANYAAN : JAWAB LISAN**

**DARIPADA : YB PROF. MADYA DR. RUSNAH BT. ALUAI  
(TANGGA BATU)**

**TARIKH : 7 OKTOBER 2021 (KHAMIS)**

**SOALAN**

**Puan Rusnah binti Aluai [ Tangga Batu ]** minta **MENTERI DALAM NEGERI** menyatakan apakah tindakan yang berkesan telah diambil untuk membanteras judi tidak berlesen yang berleluasa dan memberi impak negatif kepada masalah sosial.

**JAWAPAN**

Tuan Yang Di Pertua,

PDRM sentiasa memantau dan menjalankan operasi secara terancang dan berterusan dalam menangani masalah ini. Beberapa langkah telah diambil oleh pihak PDRM untuk mengesan serta membanteras kegiatan yang dijalankan ini, sama ada oleh orang perseorangan atau kumpulan sindiket. Di antara langkah-langkah yang telah diambil dan dirancang oleh pihak polis termasuklah:

a) Mengadakan operasi dan serbuan secara berterusan melalui Op Dadu termasuklah operasi bersepadu dengan kerjasama agensi-agensi lain seperti Suruhanjaya Pencegahan Rasuah Malaysia (SPRM) serta Pihak Berkuasa Tempatan (PBT) untuk melumpuhkan kegiatan ini;

- b) Bekerjasama dengan Suruhanjaya Komunikasi Multimedia Malaysia (SKMM) bagi sekatan laman sesawang perjudian di bawah Sek. 263 (2) Akta Komunikasi Multimedia;
- c) Bekerjasama dengan syarikat-syarikat utiliti seperti Tenaga Nasional Berhad (TNB) dan syarikat bekalan air untuk tindakan pemotongan bekalan elektrik dan air ke atas premis yang sering digunakan oleh sindiket perjudian;
- d) Mengambil tindakan ke atas pihak-pihak yang terlibat dalam kegiatan ini termasuklah penjaga premis dan penganjur kegiatan perjudian haram di bawah peruntukan undang-undang berkaitan judi sedia ada seperti Akta Rumah Judi Terbuka 1957 dan Akta Pertaruhan 1953. Selain itu, tindakan yang lebih keras juga akan diambil di bawah peruntukan undang-undang lain yang berkaitan iaitu Akta Pencegahan Jenayah 1959 (POCA) serta Akta Pencegahan Pengubahan Wang Haram, Pencegahan Pembiayaan Keganasan dan Hasil Daripada Aktiviti Haram (AMLATFPUAA) 2001; dan
- e) Meneliti undang-undang berkaitan judi sedia ada bagi tujuan pindaan penambahbaikan bagi memastikan undang-undang ini relevan dengan perubahan modus operandi sindiket perjudian ini terutamanya perjudian atas talian (online). Dalam hal ini, Kementerian Dalam Negeri juga telah turut dilibatkan di dalam kajian undang-undang berkaitan perjudian yang sedang dijalankan oleh Kementerian Kewangan Malaysia (MOF) untuk ditambah baik supaya sentiasa selaras dengan perkembangan semasa.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS TAHUN 2021**

**PERTANYAAN : LISAN**

**DARIPADA : TUAN CHOW KON YEOW [TANJONG]**

**TARIKH : 7 OKTOBER 2021 [KHAMIS]**

**SOALAN**

**TUAN CHOW KON YEOW [TANJONG]** minta **MENTERI PERUMAHAN DAN KERAJAAN TEMPATAN** menyatakan hala tuju/ perancangan bagi memastikan tiada salah guna berhubung pemilikan rumah jenis mampu milik yang kini banyak disewakan. Adakah klausa serta undang-undang khas akan diwujudkan. Jika tidak, nyatakan apa rasionalnya dan jika ya, bilakah ia akan dilaksanakan.

**JAWAPAN**

**Tuan Yang di-Pertua,**

Untuk makluman Ahli Yang Berhormat, KPKT bertanggungjawab menyediakan perumahan yang berkualiti, kondusif serta mampu dimiliki oleh rakyat, khususnya kepada golongan B40. Dalam menyediakan perumahan kepada golongan B40 khususnya melalui Program Perumahan Rakyat (PPR), terdapat juga penghuni yang mengambil kesempatan untuk menyalahgunakan unit tersebut seperti menyewakan rumah yang telah dihuni kepada pihak lain.

Dalam usaha memastikan tidak berlaku salah guna ke atas pemilikan PPR termasuk kesalahan menyewa keluar unit, proses tapisan untuk pemilihan dibuat secara teliti bagi memastikan hanya pemohon yang

benar-benar layak sahaja akan ditawarkan untuk mendapatkan PPR. Bagi dokumen perjanjian dengan penghuni, Kerajaan telah menetapkan syarat sekatan kepentingan dengan meletakkan halangan menjual atau memindah milik tanah serta melaksanakan apa-apa urusan niaga termasuk sewaan dalam tempoh moratorium selama 10 tahun bagi dokumen perjanjian jual beli dan dokumen hak milik tanah. Sekatan ini bertujuan memastikan rumah PPR dimiliki dan dihuni oleh kumpulan sasaran yang telah ditetapkan.

KPKT melalui JPN juga melaksanakan penguatkuasaan ke atas penghuni PPR dari semasa ke semasa secara berterusan termasuk aduan yang diterima bagi memastikan penghuni rumah PPR berkenaan tidak menyewa kepada pihak lain. Di samping itu, operasi penguatkuasaan juga dilaksanakan dengan kerjasama pelbagai pihak seperti Kerajaan Negeri, Pihak Berkuasa Tempatan, Jabatan Imigresen dan Polis Diraja Malaysia dalam usaha menangani pelbagai isu termasuk isu penghuni asal yang menyewakan kepada pihak lain.

KPKT akan sentiasa memantau dan melaksanakan penguatkuasaan ke atas perkara ini dari semasa ke semasa. Buat masa ini, tiada keperluan untuk mewujudkan undang-undang baharu bagi mengatasi permasalahan penyalahgunaan PPR memandangkan peraturan dan penguatkuasaan sedia ada sudah memadai untuk mencegah serta mengambil tindakan kepada penghuni yang menyalahgunakan kediaman mereka. KPKT sedang mengkaji untuk mewujudkan sistem dimerit bagi penghuni-penghuni PPR untuk memastikan penghuni-penghuni mematuhi peraturan-peraturan yang telah ditetapkan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS, TAHUN 2021**

**PERTANYAAN : JAWAB LISAN**

**DARIPADA : TUAN WILLIAM LEONG JEE KEEN  
[SELAYANG]**

**TARIKH : 7 OKTOBER 2021 ( KHAMIS )**

**SOALAN**

**TUAN WILLIAM LEONG JEE KEEN [SELAYANG]** minta **MENTERI SUMBER MANUSIA** menyatakan berapa banyak syarikat telah ditutup dan pekerja yang diberhentikan sejak awal pandemik dan apakah pelan pemulihan ekonomi untuk menangani perkara ini.

**JAWAPAN**

**Tuan Yang Di Pertua,**

Berdasarkan statistik Sistem Insurans Pekerjaan PERKESO, jumlah syarikat yang telah menghentikan operasi bagi tempoh Mac 2020 hingga 24 September 2021 adalah sebanyak 4,948 syarikat. Manakala jumlah pekerja yang kehilangan pekerjaan bagi tempoh yang sama adalah seramai 146,338 orang. Daripada jumlah ini seramai 24,831 orang (17%) mengalami kehilangan pekerjaan disebabkan oleh syarikat yang menghentikan operasi.

Kementerian Sumber Manusia (KSM) dan Kementerian Pembangunan Usahawan dan Koperasi (MEDAC) telah dilantik sebagai Pengerusi Bersama bagi Pasukan Petugas Khas Sumber Manusia dan Keusahawanan.

Pasukan Petugas Khas ini memainkan peranan yang amat penting dalam menyokong peranan Majlis Pekerjaan Negara melalui beberapa objektif utama iaitu:

- i. meningkatkan penciptaan pekerjaan;
- ii. memaksimumkan tahap pengekalan pekerjaan (*job retention*);
- iii. membuat padanan pekerjaan secara komprehensif bagi mengatasi isu *underemployment* (dengan izin); dan
- iv. mengkaji serta merangka mekanisme perlindungan keselamatan sosial bagi pekerjaan sendiri (*self-employed*).

Sehingga 9 Julai 2021, Pasukan Petugas Khas Sumber Manusia dan Keusahawanan telah mencapai KPI sebanyak 98% iaitu 359,677 daripada sasaran 367,500 bagi penempatan pekerjaan dan penciptaan pendapatan.

Kerajaan turut mengumumkan pelbagai program bantuan dan pakej rangsangan yang berupaya membantu mereka mendapatkan pekerjaan. Antaranya adalah melalui pakej bantuan tambahan iaitu:

- i. Perlindungan Ekonomi dan Rakyat Malaysia (**PERMAI**);
- ii. Program Strategik Memperkasa Rakyat dan Ekonomi (**PEMERKASA**);
- iii. Program Strategik Memperkasa Rakyat dan Ekonomi Tambahan (**PEMERKASA Tambahan**); dan
- iv. Pakej Perlindungan Rakyat dan Pemulihan Ekonomi (**PEMULIH**).

KSM melalui PERKESO turut memperluaskan **Elaun Mencari Pekerjaan** kepada bukan pencarum PERKESO terutamanya graduan baharu, lepasan sekolah dan pekerja sektor tidak formal. Elaun sekurang-kurang RM300 akan diterima apabila mereka mendaftar di bawah platform *MyFutureJobs*.

Dengan peruntukan tambahan sebanyak RM300 juta, skop insentif turut diperluaskan oleh PERKESO meliputi **pekerjaan sementara dan**

**pekerjaan gig** yang memanfaatkan 60 ribu pekerja dan majikan yang menawarkan pekerjaan jangka pendek ataupun platform penyedia perkhidmatan gig yang berdaftar dengan PERKESO.

Selain itu, **sejumlah RM125 juta** turut diperuntukkan untuk melaksanakan inisiatif ***Place and Train*** di bawah **Program Janapreneur** Pembangunan Sumber Manusia Berhad terutama kepada belia lepasan sekolah dan graduan. Inisiatif ini akan membuka peluang kepada 30 ribu orang untuk mengikuti program latihan dengan jaminan pekerjaan setelah tamat latihan.

KSM melalui agensi-agensinya juga berusaha meningkatkan **ketersediaan** dan **kebolehpasaran** bakat melalui pelbagai platform. Antaranya termasuklah program ***UpskillMalaysia*** di bawah Pembangunan Sumber Manusia Berhad, **Latihan dan Pendidikan Teknikal dan Vokasional (TVET)** di 562 buah Institusi Latihan Kemahiran Awam (ILKA),

**Program Latihan Industri Berstruktur (*Structured Internship Programme* – SIP)** dan program **Nurturing EXpert Talent (MYNext)** oleh Talent Corp.



**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS, TAHUN 2021**

**PERTANYAAN : LISAN**

**DARIPADA : PUAN NURUL IZZAH BINTI ANWAR  
[ PERMATANG PAUH ]**

**TARIKH : 7 OKTOBER 2021 (KHAMIS)**

**SOALAN**

**PUAN NURUL IZZAH BINTI ANWAR [ PERMATANG PAUH ]** minta  
**MENTERI SUMBER MANUSIA** menyatakan :-

- (a) kesediaan Kerajaan membentuk jaringan keselamatan sosial berpusat meliputi semua segmen menerusi pendaftaran automatik; dan
- (b) komitmen Kerajaan membentangkan RUU baru bagi mengawal aspek bayaran, keadaan, kontrak, pengurusan, dan perwakilan adil bagi semua pekerja, termasuk pekerja gig, pekerja kontrak dan sambilan.

**JAWAPAN**

**Tuan Yang Di Pertua,**

Jaringan keselamatan sosial di Malaysia dilaksanakan oleh beberapa agensi kerajaan, termasuklah Pertubuhan Keselamatan Sosial (PERKESO), Kumpulan Wang Simpanan Pekerja, Jabatan Kebajikan Negara dan lain-lain. Masing-masing menawarkan jaringan sosial dalam bentuk yang berbeza kepada kumpulan sasar yang sesuai.

Buat masa ini, jaringan keselamatan sosial di bawah Kementerian Sumber Manusia sememangnya berpusat dan ditadbir urus oleh PERKESO. PERKESO menguatkuasakan Akta Keselamatan Sosial Pekerja 1969 [Akta 4], Akta Keselamatan Sosial Pekerjaan Sendiri 2017 [Akta 789] dan Akta Sistem Insurans Pekerjaan 2017 [Akta 800].

Berkaitan penggubalan rang undang-undang baharu, Kementerian Sumber Manusia berpandangan bahawa undang-undang sedia ada mengenai jaringan keselamatan sosial sudah merangkumi aspek yang disebutkan.

Walau bagaimanapun, pada masa ini, sesi libat urus sedang giat diadakan oleh Kementerian Sumber Manusia bagi mendapatkan maklum balas ke atas cadangan mewujudkan satu undang-undang baharu untuk meliputi pekerja ekonomi gig, termasuklah pengurusan faedah dan kontrak antara pekerja dan penyedia platform tanpa menjejaskan keunikan sifat perniagaan gig itu sendiri.

Bagi golongan pekerja, pekerja sambilan dan kontrak telah pun diliputi di bawah undang-undang sedia ada iaitu Akta Kerja 1955.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS, TAHUN 2021**

**PERTANYAAN : JAWAB LISAN**

**DARIPADA : TUAN M. KULASEGARAN [IPOH BARAT]**

**TARIKH : 7 OKTOBER 2021 (KHAMIS)**

**SOALAN**

**TUAN M. KULASEGARAN [ IPOH BARAT ]** minta **MENTERI SUMBER MANUSIA** menyatakan berapa kadar pengangguran belia yang menganggur di bandar berbanding dengan kawasan luar bandar dan langkah-langkah baru Kementerian yang diambil bagi menangani jurang perbezaan kadar pengangguran belia di bandar dan luar bandar.

**JAWAPAN**

**Tuan Yang Di Pertua,**

Kadar pengangguran belia berumur 15-24 tahun pula merekodkan 11.0% bersamaan 283.1 ribu orang pada suku kedua 2021 iaitu menurun 1.5 peratus berbanding 12.5% atau 326.7 ribu orang pada suku kedua 2020.

Kadar pengangguran belia mengikut strata di bandar pada tahun 2020 adalah 11.9%, manakala di luar bandar adalah 12.4%.

Untuk mengurangkan impak pandemik COVID-19 serta membantu rakyat termasuk golongan belia mendapatkan pekerjaan, kerajaan telah mengumumkan pelaksanaan pelbagai program bantuan dan pakej rangsangan. Antaranya adalah pakej Perlindungan Ekonomi dan Rakyat Malaysia (PERMAI), Program Strategik Memperkasa Rakyat dan Ekonomi

## SOALAN NO : 59

(PEMERKASA), Program Strategik Memperkasa Rakyat dan Ekonomi Tambahan (PEMERKASA Tambahan) dan Pakej Perlindungan Rakyat dan Pemulihan Ekonomi (PEMULIH) bertujuan untuk memberi bantuan menyeluruh kepada rakyat dan seterusnya mengekalkan pekerjaan.

Dalam usaha untuk membantu mereka yang kehilangan pekerjaan dan juga sumber pendapatan, Kerajaan akan memperluaskan Elaun Mencari Pekerjaan kepada bukan pencarum PERKESO terutamanya graduan baharu, lepasan sekolah dan pekerja sektor tidak formal. Elaun sekurang-kurang RM300 akan diterima apabila mereka mendaftar dibawah platform MyFutureJobs.

Kerajaan juga telah memperluaskan skop insentif pengambilan pekerja untuk meliputi pekerjaan sementara dan pekerjaan *gig* oleh PERKESO iaitu:

- (i) menyediakan peruntukan RM300 juta yang memanfaatkan 60,000 pekerja, di mana setiap pekerja akan menerima RM600 sebulan selama tempoh maksimum enam (6) bulan; dan
- (ii) bagi majikan yang menawarkan pekerjaan jangka pendek ataupun platform penyedia perkhidmatan *gig* yang berdaftar dengan PERKESO, mereka akan menerima RM200 bagi setiap pekerja yang ditempatkan.

Selain itu, sejumlah RM125juta diperuntukkan kepada HRDCorp untuk melaksanakan inisiatif Place and Train di bawah Program Janapreneur terutama kepada belia lepasan sekolah dan graduan. Inisiatif ini akan membuka peluang kepada 30 ribu orang untuk mengikuti program latihan dengan jaminan pekerjaan setelah tamat latihan.

Kerajaan juga berusaha meningkatkan ketersediaan dan kebolehpasaran bakat melalui pemerkasaan elemen kemahiran sendiri, kemahiran dan kompetensi selaras dengan keperluan pasaran pekerjaan semasa melalui inisiatif berikut :

## SOALAN NO : 59

- (i) Platform **UpskillMalaysia** di bawah Pembangunan Sumber Manusia Berhad (PSMB) yang disediakan kepada golongan pekerja untuk mempertingkatkan kemahiran mereka bagi menyesuaikan diri dengan perubahan keperluan kerja masa hadapan serta persekitaran global yang semakin kompetitif dan dinamik;
- (ii) Memperluaskan akses kepada warganegara untuk mendapat Latihan dan Pendidikan Teknikal dan Vokasional (TVET). Sehingga kini, terdapat 562 buah Institusi Latihan Kemahiran Awam (ILKA) telah ditubuhkan di seluruh negara dengan pelbagai kursus kemahiran ditawarkan mengikut keperluan industri;
- (iii) **Nurturing EXpert Talent (MYNext)** iaitu platform setempat solusi bakat bersepadu dan data analitis yang menggabungkan graduan, pekerja, syarikat dan institusi Pendidikan. Fokus utamanya adalah untuk merapatkan jurang di antara penawaran bakat di Malaysia dengan pekerjaan masa hadapan;
- (iv) **Program Latihan Industri Berstruktur (Structured Internship Programme – SIP)** membuka serta menawarkan lebih banyak peluang penempatan latihan industri berkualiti melalui insentif potongan cukai berganda. SIP telah memanfaatkan lebih 90,000 bakat graduan untuk menyempurnakan Latihan Industri secara lebih berstruktur bersama syarikat dan pemain industri tempatan;
- (v) **Young Employable Students (YES!)**: penyediaan bakat graduan sebelum melangkah ke pasaran pekerjaan melalui kerjasama rakan kolaborasi strategik. Sejak dilaksanakan pada Oktober 2019, Inisiatif YES! telah memberi nilai tambah kepada lebih 10,000 bakat graduan di insitusi pengajian tinggi awam dan swasta; dan

- (vi) **Kolaborasi Industri-Akademia (*Industry-Academia Collaboration* - IAC):** Jalinan kerjasama industri untuk kebolehpasaran siswazah bagi memastikan bekalan modal insan berprestasi tinggi dan sedia untuk pasaran di Malaysia. Objektif utama program ini adalah:
- a. Melahirkan pelajar/ graduan berkemahiran yang memenuhi permintaan industri selaras dengan Revolusi Industri 4.0 (IR4.0);
  - b. Mengukuhkan hubungan dua hala antara industri dan institut-institut latihan TVET;
  - c. Mengurangkan kebergantungan terhadap pekerja asing di dalam bidang pekerjaan separa berkemahiran tinggi; dan
  - d. Mengoptimumkan tenaga kerja berkemahiran tinggi memenuhi kepelbagaian strategi pengambilan dan keperluan pekerja. Sehingga Jun 2021, 20 institusi pengajian tinggi dengan keterlibatan lebih 50 industri dari pelbagai sektor ekonomi telah terlibat secara langsung sepanjang pelaksanaan IAC.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPATBELAS**

**PERTANYAAN : JAWAB LISAN**

**DARIPADA : YB KASTHURIRAANI A/P PATTO  
(BATU KAWAN)**

**TARIKH : 7 OKTOBER 2021 (KHAMIS)**

**SOALAN**

**PUAN KASTHURIRAANI A/P PATTO [ BATU KAWAN ]** minta **MENTERI DALAM NEGERI** menyatakan bilangan permohonan kewarganegaraan di bawah Perkara 15A, 15(2) dan 19(1) telah dimasukkan mengikut pecahan tahun 2018, 2019, 2020 dan 2021 dan bilangan permohonan yang diluluskan, ditolak serta penjelasan mengapa kadar pemprosesan permohonan kewarganegaraan kurang memuaskan mengikut pencapaian piagam pelanggan Kementerian Dalam Negeri.

**JAWAPAN**

Tuan Yang Di Pertua,

Jumlah permohonan kewarganegaraan Malaysia di bawah Perkara 15A, 15(2) dan 19(1) Perlembagaan Persekutuan bagi tahun 2018 hingga 25 Ogos 2021 adalah sebanyak 25,352 permohonan. Daripada jumlah tersebut, sebanyak 450 pemohon telah dianugerahkan kewarganegaraan dan sebanyak 223 permohonan tidak diluluskan.

Kementerian sentiasa memberikan komitmen berterusan ke atas Piagam Pelanggan yang telah ditetapkan bagi memastikan penyampaian perkhidmatan kepada rakyat dapat dilaksanakan dengan sewajarnya. Justeru Prosedur Operasi Standard (SOP) bagi permohonan kewarganegaraan di bawah Perkara 15A telah ditambahbaik dengan melaksanakan tempoh pemprosesan yang lebih singkat bagi permohonan yang lengkap diterima mulai tahun 2020. Manakala, bagi permohonan kewarganegaraan di bawah perkara lain di bawah Perlembagaan Persekutuan, fakta dan dokumen sokongan yang dikemukakan oleh setiap pemohon perlu diteliti mengikut giliran yang sewajarnya sebelum keputusan dikeluarkan.



**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS, TAHUN 2021**

**PERTANYAAN : JAWAB LISAN**

**DARIPADA : DATUK ROZMAN BIN ISLI [LABUAN]**

**TARIKH : 7 OKTOBER 2021 (KHAMIS)**

**SOALAN**

**DATUK ROZMAN BIN ISLI [ LABUAN ]** minta **MENTERI SUMBER MANUSIA** menyatakan jumlah rakyat Malaysia yang menyertai ekonomi gig sebelum dan selepas pandemik, dan adakah Kerajaan berhasrat untuk meminda Akta Kerja 1955 bagi memastikan jaringan keselamatan sosial bagi mereka yang bekerja di ekonomi gig dibela sepenuhnya.

**JAWAPAN**

**Tuan Yang Di Pertua,**

Berdasarkan data yang diperoleh daripada Malaysia Digital Economy Corporation (MDEC) melalui Program eRezeki dan Global Online Workforce (GLOW) yang merupakan program berasaskan ekonomi gig, jumlah keseluruhan peserta mendaftar sehingga Disember 2019 iaitu sebelum pandemik Covid-19 berlaku adalah seramai 333,130 orang.

Jumlah pendaftaran ini telah meningkat lebih sekali ganda pada tahun 2020 (sehingga Disember 2020) iaitu semasa pandemik berlaku yang menjadikan keseluruhan peserta gig berdaftar adalah seramai 699,517 orang.

Struktur hubungan antara pekerja gig ekonomi dan penyedia platform dari segi hubungan '*master and servant*' adalah sukar untuk dibuktikan. Kementerian juga tidak mempunyai sebarang rekod atau pemfailan kes buruh berkaitan golongan ini yang boleh digunakan sebagai *test case* atau penandaarasan. Ini kerana *construct* undang-undang perburuhan negara adalah berdasarkan *nature of business* dan konteks hubungan pekerja-majikan yang tradisional.

Berikutan ini, pekerja gig adalah tidak tertakluk di bawah Akta Kerja 1995 [Akta 265] pada masa ini. Namun, pekerja gig ekonomi seperti penghantar makanan dan *e-hailing services* mendapat perlindungan sosial di bawah Akta Keselamatan Sosial Pekerjaan Sendiri 2017 [Akta 789] sekiranya mereka mencarum di bawah Akta tersebut.

Walau bagaimanapun, Kementerian pada masa ini sedang berusaha meneliti dan mendapatkan maklumat bersama pihak-pihak berkepentingan mengenai kesesuaian penggubalan Akta baharu di bawah Kementerian berkaitan pekerja gig.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPATBELAS**

**PERTANYAAN : JAWAB LISAN**

**DARIPADA : YB TUAN SYED SADDIQ B. SYED ABDUL  
RAHMAN (MUAR)**

**TARIKH : 7 OKTOBER 2021 (KHAMIS)**

**SOALAN**

**TUAN SYED SADDIQ BIN SYED ABDUL RAHMAN [ MUAR ]** minta **MENTERI DALAM NEGERI** menyatakan keputusan Polis Diraja Malaysia untuk memanggil dan menyoal siasat peserta di dalam perhimpunan **LAWAN** serta komitmen Kerajaan untuk mempertahankan hak rakyat untuk bersuara secara aman.

**JAWAPAN**

Tuan Yang Di Pertua,

Polis Diraja Malaysia (PDRM) sentiasa komited mendukung perkara yang termaktub dalam perlembagaan Malaysia bagi memastikan rakyat bebas menyuarakan pendapat selagi mana ianya berlandaskan peraturan dan undang-undang yang telah ditetapkan. Pada masa yang sama, PDRM sentiasa berada dalam keadaan bersiap sedia untuk menghadapi sebarang ancaman dan situasi yang boleh mengganggu gugat ketenteraman awam. Berhubung kejadian perhimpunan **LAWAN** yang diadakan tempoh hari, PDRM membuka kertas siasatan memandangkan perhimpunan tersebut menyukarkan penjarakan fizikal dan pematuhan kepada Standard Operating Procedure (SOP) adalah perkara yang dilarang di bawah Perintah Kawalan Pergerakan (PKP) dan Pelan Pemulihan Negara (PPN).

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS**

---

**PERTANYAAN : LISAN**

**DARIPADA : TUAN CHAN FOONG HIN [ KOTA KINABALU ]**

**TARIKH : 7 OKTOBER 2021 (KHAMIS)**

**SOALAN**

**TUAN CHAN FOONG HIN [ KOTA KINABALU ]** minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan adakah Kementerian akan mengurangkan harga siling bagi self-test kit COVID-19 antigen yang kini dibiarkan sekitar RM39.90? Apakah Kementerian bercadang untuk memberikan subsidi bagi pembelian test kit ini yang jauh lebih murah dari ujian RT-PCR/RTK dan penggunaan akan kian meningkat.

**JAWAPAN**

**Yang di-Pertua,**

Dalam membuat penetapan harga kit ujian sendiri Covid-19, Kementerian telah mengadakan sesi libat urus dengan pemegang-pemegang taruh dalam industri kit ujian sendiri Covid-19 termasuk fasiliti farmasi dan klinik. Penelitian dari segi kos pengeluaran dan kos pengimportan telah dibuat dan di analisa.

Kementerian telah menetapkan harga maksimum kit ujian pantas antigen covid-19 (ujian sendiri) bagi borong RM16.00 seunit dan runcit RM19.90 seunit. Penetapan harga maksimum telah diwartakan dan berkuatkuasa pada 5 September 2021 melalui P.U (A) 348 Perintah Kawalan Harga Dan Antipencatutan (Penentuan Harga Maksimum) (No.7) 2021.

Pelaksanaan pemeriksaan serta pemantauan ke atas penjualan kit ujian pantas antigen COVID-19 ini sedang dilaksanakan bermula 5 September 2021. Sehingga 6 September 2021, sebanyak 293 premis telah diperiksa membabitkan 32 premis borong dan 261 premis runcit dan daripada pemeriksaan tersebut sebanyak 2 amaran dikeluarkan kerana menjual melebihi harga maksimum yang ditetapkan.

Kerajaan tidak bercadangan untuk memberi subsidi kit ujian sendiri Covid-19 namun akan menetapkan harga maksimum pada kadar harga yang munasabah dan mampu dibeli oleh rakyat.

Sekian, terima kasih.

**PEMBERITAHUAN PERTANYAAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : TUAN WILLIAM LEONG JEE KEEN  
[ SELAYANG ]**

**TARIKH : 7 OKTOBER 2021 ( KHAMIS )**

**SOALAN**

**TUAN WILLIAM LEONG JEE KEEN** minta **MENTERI KESIHATAN** menyatakan sebab-sebab mengapa Ivermectin tidak dapat diberi kebenaran kecemasan seperti yang telah dilakukan untuk vaksin-vaksin seperti AstraZeneca, Pfizer dan Sinovac.

**JAWAPAN**

Tuan Yang di-Pertua,

1. Pihak Berkuasa Kawalan Dadah (PBKD) melalui sekretariatnya, Bahagian Regulatori Farmasi Negara (NPRA) telah mewujudkan satu garis panduan iaitu '*Guidance and Requirements on Conditional Registration for Pharmaceutical Products During Disaster*' yang berkuat kuasa pada 14 Disember 2020 dalam usaha bagi mempercepatkan pendaftaran dan akses vaksin untuk pencegahan penyakit COVID-19 serta ubat-ubatan bagi rawatan COVID-19.
2. Oleh itu, semua pendaftaran vaksin dan rawatan untuk COVID-19 adalah mengikut keperluan untuk '*Conditional Registration for Pharmaceutical Products During Disaster*' di mana proses pendaftaran dipercepatkan dan diberikan pendaftaran secara bersyarat.
3. Antara keperluan pendaftaran di bawah inisiatif ini adalah produk

sama ada vaksin atau untuk rawatan COVID-19 perlu ada sekurang-kurangnya kajian klinikal fasa 3 yang sedang berlangsung di mana data awalan (*preliminary data*) dari segi keberkesanan dan keselamatan dapat digunakan bagi menyokong pendaftaran bersyarat sesuatu vaksin atau produk untuk rawatan.

4. Berbeza dengan situasi produk yang mengandungi Ivermectin, tiada sebarang kajian klinikal tersedia bagi menyokong keberkesanan dan keselamatan produk untuk tujuan rawatan COVID-19.

5. Sehubungan itu, KKM pada masa ini hanya membenarkan penggunaan Ivermectin dalam kajian klinikal. Ini adalah selari dengan kenyataan yang telah dikeluarkan oleh *World Health Organization* (WHO) pada 31 Mac 2021, *European Medicines Agency* (EMA ) pada 22 Mac 2021 dan *United States Food and Drug Administration* (USFDA ) pada 10 April 2021.

6. Sebagai makluman, produk yang mengandungi bahan aktif Ivermectin telah berdaftar dengan PBKD hanya bagi tujuan rawatan anti-parasit (*anti-parasitic*) untuk haiwan.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPATBELAS**

**PERTANYAAN : JAWAB LISAN**

**DARIPADA : YB TAN KOK WAI (CHERAS)**

**TARIKH : 7 OKTOBER 2021 (KHAMIS)**

**SOALAN**

**Tuan Tan Kok Wai [ CHERAS ]** minta **MENTERI DALAM NEGERI** menyatakan keadaan terkini golongan tanpa kerakyatan (*stateless*) di Malaysia, angka mereka mengikut kumpulan umur di Semenanjung, Sabah dan Sarawak dan sama ada Kerajaan mempunyai rancangan untuk memberikan kerakyatan kepada golongan tanpa kerakyatan yang mempunyai sekurang-kurangnya seorang ibu atau bapa rakyat Malaysia.

**JAWAPAN**

Tuan Yang Di-Pertua,

Berhubung dengan rekod individu tanpa kewarganegaraan (*stateless*), adalah dimaklumkan bahawa Kementerian melalui Jabatan Pendaftaran Negara (JPN) hanya merekodkan status seseorang individu sebagai warganegara atau bukan warganegara berdasarkan kepada status perkahwinan dan taraf kewarganegaraan ibu bapa individu sewaktu kelahiran berlaku. Justeru itu, JPN tidak menyimpan rekod individu yang mendakwa dirinya *stateless* dan pada masa yang sama tidak tampil ke JPN untuk mendapatkan dokumen pengenalan diri yang bersesuaian sekiranya memenuhi kelayakan.

Untuk makluman Ahli Yang Berhormat, kelahiran yang berlaku di Malaysia tidak menyebabkan seseorang individu memperoleh



kewarganegaraan Malaysia secara automatik. Kewarganegaraan seseorang individu adalah ditentukan berdasarkan kepada status perkahwinan dan taraf kewarganegaraan ibu bapa kandung individu berkenaan sewaktu kelahiran berlaku selaras dengan peruntukan Bahagian III Perlembagaan Persekutuan, Kaedah-Kaedah Kewarganegaraan 1964 [L.N.82/1964] serta perundangan berkaitan yang berkuatkuasa dalam isu pendaftaran perkahwinan, pengangkatan, kesahtarafan anak, dan peraturan imigresen.

Dalam hal ini, adalah ditegaskan bahawa ibu bapa dan penjaga kepada individu yang bertaraf 'Belum Ditentukan' atau 'Bukan Warganegara' bertanggungjawab sepenuhnya untuk menguruskan kewarganegaraan, dokumen pengenalan diri dan dokumen perjalanan dengan negara asal bagi mengelakkan ketiadaan dokumen pengenalan diri, keberadaan tidak sah di Malaysia dan seterusnya disalah anggap sebagai tidak memiliki kewarganegaraan dari mana-mana negara (*stateless*).

Bagi individu warga asing atau bertaraf belum ditentukan yang berhasrat untuk memohon kewarganegaraan Malaysia, mereka boleh mengemukakan permohonan untuk memperoleh kewarganegaraan Malaysia sama ada melalui pendaftaran atau penaturalisasian, jika telah memenuhi syarat-syarat yang ditetapkan oleh Perlembagaan Persekutuan dan perundangan yang berkaitan dengan pendaftaran perkahwinan, pendaftaran kelahiran, pengangkatan yang sah serta lain-lain perundangan berkuatkuasa. Sukacita diingatkan bahawa syarat-syarat ini hanya melayakkan permohonan dikemukakan dan tidak menjamin bahawa ia akan diluluskan.

Berhubung dengan isu individu tanpa kewarganegaraan (*stateless*), dimaklumkan bahawa Kementerian melalui JPN sentiasa mengambil langkah proaktif dalam memastikan pendaftaran Sijil Kelahiran serta dokumen pengenalan diri bagi individu yang berkecukupan dapat dilaksanakan dengan mudah di seluruh negara. Antara inisiatif berterusan yang telah dilaksanakan Kerajaan ialah Program Menyemai Kasih Rakyat (MEKAR) yang merangkumi Program Pendaftaran Bergerak (*Unit Mobile*) dan *Bus Mobile*. Program-program berkenaan menyediakan pelbagai

perkhidmatan termasuklah khidmat nasihat berkaitan pendaftaran Kad Pengenalan, Kelahiran dan Kematian.

Selain itu, Kerajaan turut melaksanakan pelbagai inisiatif tambahan seperti berikut:-

- i. Mengadakan kerjasama strategik bersama Jabatan Pendidikan Negeri dan Kerajaan Negeri melalui Ketua Kaum/Ketua Masyarakat bagi mengenal pasti murid-murid sekolah serta penduduk yang masih belum memiliki dokumen pengenalan diri; dan
- ii. Mengadakan taklimat kepentingan dokumen pengenalan diri kepada semua Ketua Kaum/Ketua Masyarakat serta orang ramai secara berkala.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS, TAHUN 2021**

**PERTANYAAN : JAWAB LISAN**

**DARIPADA : PUAN HAJAH FUZIAH BINTI SALLEH  
[ KUANTAN ]**

**TARIKH : 7 OKTOBER 2021 (KHAMIS)**

**SOALAN**

**PUAN HAJAH FUZIAH BINTI SALLEH [ KUANTAN ]** minta **MENTERI SUMBER MANUSIA** menyatakan secara terperinci :-

- (a) jumlah yang kehilangan pekerjaan sewaktu pandemik di dalam sektor formal dan tidak formal; dan
- (b) pecahan maklumat mengikut latar belakang negeri, umur, jantina, bidang pekerjaan, jumlah isi rumah dan status perkahwinan.

**JAWAPAN**

**Tuan Yang Di Pertua,**

Berdasarkan statistik Sistem Insurans Pekerjaan PERKESO, jumlah pekerja yang kehilangan pekerjaan bagi tempoh Mac 2020 sehingga 30 September 2021 adalah seramai 147,166 orang. Maklumat pekerja kehilangan pekerjaan di sektor tidak formal di luar liputan caruman dan tidak tersedia di PERKESO.

Pecahan statistik kehilangan pekerjaan mengikut jantina, tahap pendidikan, umur, negeri dan pekerjaan adalah seperti di bawah:

Jadual 1 : Statistik Kehilangan Pekerjaan Mengikut Jantina, Mac 2020 – 30 September 2021

<b>Jantina</b>	<b>Jumlah</b>
Wanita	63,646
Lelaki	83,520
<b>Jumlah</b>	<b>147,166</b>

Jadual 2 : Statistik Kehilangan Pekerjaan Mengikut Tahap Pendidikan, Mac 2020 – 30 September 2021

<b>Tahap Pendidikan</b>	<b>Jumlah</b>
Ijazah Sarjana Muda	35,025
Diploma	27,109
Doctoral (PhD)	242
Master's	3,961
PMR/ PT3	9,969
Pendidikan Sekolah Rendah	4,596
SPM	56,640
STPM (A-Level)	4,307
Tiada Maklumat	5,317
<b>Jumlah</b>	<b>147,166</b>

Jadual 3 : Statistik Kehilangan Pekerjaan Mengikut Kumpulan Umur, Mac 2020 – 30 September 2021

Kumpulan Umur	Jumlah
15 - 19	998
20 - 24	14,448
25 - 29	28,375
30 - 34	25,416
35 - 39	20,767
40 - 44	18,410
45 - 49	16,260
50 - 54	13,643
55 - 59	8,841
60 - 64	4
Tiada Maklumat	4
<b>Jumlah</b>	<b>147,166</b>

Jadual 4 : Statistik Kehilangan Pekerjaan Mengikut Negeri, Mac 2020 – 30 September 2021

Negeri	Jumlah
Johor	12,272
Kedah	6,649
Kelantan	697
Melaka	2,668
Negeri Sembilan	1,889
Pahang	2,859
Perak	5,431
Perlis	476
Pulau Pinang	12,631
Sabah	6,086
Sarawak	4,309
Selangor	49,587
Terengganu	1,547
WP Kuala Lumpur	39,426

<b>Negeri</b>	<b>Jumlah</b>
WP Labuan	382
WP Putrajaya	242
Tiada Maklumat	15
<b>Jumlah</b>	<b>147,166</b>

Jadual 5 : Statistik Kehilangan Pekerjaan Mengikut Pekerjaan, Mac 2020 – 30 September 2021

<b>Pekerjaan</b>	<b>Jumlah</b>
Pengurus	8,892
Profesional	44,809
Juruteknik dan profesional bersekutu	39,240
Pekerja sokongan perkeranian	26,370
Pekerja perkhidmatan dan jualan	16,976
Pekerja mahir pertanian, perhutanan, penternakan, dan perikanan	37
Pekerja kemahiran dan pekerja pertukangan yang berkaitan	910
Operator mesin dan loji, dan pemasang	5,174
Pekerja Asas	3,246
Tiada Maklumat	1,512
<b>Jumlah</b>	<b>147,166</b>

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT, PARLIMEN  
KEEMPAT BELAS TAHUN 2021**

**PERTANYAAN : LISAN**

**DARIPADA : TUAN KHOO POAY TIONG  
[KOTA MELAKA]**

**TARIKH : 7 OKTOBER 2021 (KHAMIS)**

**SOALAN**

**TUAN KHOO POAY TIONG [KOTA MELAKA] minta MENTERI  
PERUMAHAN DAN KERAJAAN TEMPATAN menyatakan.**

- a) apakah langkah-langkah Kerajaan untuk mengatasi masalah sewa rumah tertunggak di kalangan rakyat yang hilang punca pendapatan kerana pandemik COVID-19; dan
- b) adakah Kerajaan bercadang melaksanakan dasar antipengusiran sementara (*temporary eviction moratorium*) untuk mengawal masalah ini.

**JAWAPAN**

Tuan Yang di-Pertua,

**Undang-Undang Sementara Atau Akta Yang Memberi Moratorium Terhadap Pengusiran Penyewa**

Untuk makluman Ahli Yang Berhormat Kota Melaka, KPKT mengambil maklum hasrat Yang Berhormat untuk melihat kemungkinan **sama ada di negara kita boleh melaksanakan moratorium terhadap pengusiran penyewa dari kediaman sewaan masing-masing**. Saya turut berkongsi keprihatinan Yang Berhormat ke atas perkara ini, lebih-lebih lagi ketika rakyat sedang menghadapi situasi ekonomi yang mencabar di era pandemik COVID-19 ini.

KPKT telah pun meneliti perkara ini dan **semakan perundangan mendapati bahawa hubungan antara tuan tanah dan penyewa adalah dikawal selia oleh perjanjian sewa antara pihak-pihak terlibat**. Ketika ini, penyediaan perjanjian penyewaan kediaman menggunakan **tatacara Akta Kontrak 1950** dan perjanjian itu **bersifat umum yang tidak komprehensif** serta **tidak mencakupi klausa berkaitan anti pengusiran**.

Peruntukan undang-undang sedia ada menyatakan bahawa **pemilik hartanah tidak boleh menghalau penyewa dengan sewenang-wenangnya**. Seksyen 7(2) Akta Relief Spesifik 1950 memperuntukkan pemilik premis sewa perlu menggunakan prosiding mahkamah untuk mengusir penyewa.

Untuk kes **Rasha Utara Enterprise & Makami Enterprise v. Majlis Perbandaran Sungai Petani (MPSP)[2017]**, di mana MPSP sebagai tuan tanah telah bertindak masuk ke premis sewa dan menyita segala barang-barang milik penyewa tanpa perintah Mahkamah. **Mahkamah Tinggi memutuskan bahawa MPSP perlu membayar sebanyak RM45,000 kepada penyewa-penyewa atas tindakan yang membelakangkan undang-undang tersebut**.



**Semakan kepada Akta-Akta lain** yang berkaitan seperti Kanun Tanah Negara [Akta 828], Specific Relief Act 1950, Akta Kawalan Sewa (Pemansuhan) 1997 [Akta 572] dan sebagainya, juga **mendapati tiada sebarang undang-undang yang memperuntukkan dikenakan dengan larangan pengusiran penyewa** sehingga mempunyai jaminan tempat tinggal baru atau yang berkaitan dengan antipengusiran sementara penyewa rumah.

**Pada** masa ini, KPKT sedang **menggubal Akta Sewaan Kediaman (Residential Tenancy Act; RTA)** yang bertujuan untuk **lebih melindungi kepentingan penyewa dan pemilik**, serta akan turut mengkaji **kesesuaian cadangan dasar antipengusiran sementara dalam akta ini**. Akta ini dijangka dibentangkan di Parlimen pada sesi pertama tahun 2022.

**Akta baharu ini digubal berdasarkan model Residential Tenancies Act 2010 (New South Wales) Australia** kerana akta ini dilihat mampu melindungi kepentingan pemilik kediaman dan penyewa. Pada masa yang sama undang-undang berkaitan dari negara **Jerman, United Kingdom, dan Australia serta Rental Housing Act dari Afrika Selatan** juga turut **dibuat perbandingan**. Walau bagaimanapun, sebarang cadangan pewujudan anti pengusiran perlu **diteliti secara komprehensif dari pelbagai aspek** sebelum ianya boleh dilaksanakan kerana ianya boleh menindas hak pelbagai pihak terutamanya pihak tuan tanah.

Pada masa yang sama, KPKT baharu sahaja menyediakan **inisiatif berupa perumahan sementara iaitu INISIATIF KEDIAMAN RUMAH KELUARGA MALAYSIA (RUMAH IKRAM KELUARGA MALAYSIA)**. Objektif utama program ini adalah untuk memberikan perlindungan melalui penyediaan kediaman yang berdaya huni, selesa dan selamat kepada rakyat yang kehilangan tempat tinggal akibat COVID-19; serta menyediakan kemudahan insentif melalui sewaan serendah RM124 untuk mengurangkan beban kewangan yang ditanggung oleh rakyat.

Pada peringkat permulaan, sebanyak **1,000 unit rumah sedia** ada ditawarkan untuk **Rumah IKRAM Keluarga Malaysia di 8 lokasi PPR** di seluruh negara. Pemilihan dan pengisian akan dilaksanakan segera sebaik sahaja proses saringan permohonan selesai dilaksanakan.

Antara inisiatif lain yang telah dilaksanakan dalam membantu meringankan beban golongan berpendapatan rendah untuk membayar sewa rumah, khususnya penduduk Program Perumahan Rakyat (PPR) yang terkesan dengan pandemik COVID-19 ialah melalui **inisiatif pengecualian pembayaran sewa selama tujuh bulan (Mac-September 2020)** bagi **3,636 unit** iaitu di **PPR Lembah Subang 1 (3,004 unit rumah)** dan **Rumah Transit Bukit Jalil (632 unit rumah)**;

Bagi penangguhan pembayaran sewa / moratorium selama 21 bulan (Mac 2020 – Disember 2021) bagi **PPR Sewa Untuk Dimiliki (RTO)** di bawah **pengurusan KPKT yang melibatkan 10 projek PPR (4,650 unit)**. Bagi **Perumahan Awam dan PPR lain yang di bawah pengurusan Pihak Berkuasa Tempatan (PBT)/ Kerajaan Negeri/ Pihak Berkuasa Negeri (PBN)** pula, **pengecualian dan penangguhan bayaran sewa dan bayaran bulanan adalah tertakluk kepada budi bicara agensi negeri berkenaan.**

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS**

**PERTANYAAN : LISAN**

**DARIPADA : PUAN NOORITA BINTI SUAL [ TENOM ]**

**TARIKH : 7.10.2021 (SELASA)**

**SOALAN**

**PUAN NOORITA BINTI SUAL** minta **MENTERI PEMBANGUNAN LUAR BANDAR** menyatakan dengan terperinci cadangan Kementerian untuk membina semula infrastruktur terutamanya jambatan gantung atau jambatan kampung di daerah Tenom, khususnya kampung-kampung yang terlibat dengan banjir besar pada bulan Mei, 2021.

**JAWAPAN**

**Tuan Yang di-Pertua,**

Kementerian Pembangunan Luar Bandar (KPLB) sentiasa prihatin dengan keperluan infrastruktur asas di luar bandar seperti jambatan/ jambatan gantung/ jambatan kampung yang menjadi jalan perhubungan utama oleh penduduk setempat terutamanya di Sabah dan Sarawak. Pihak Kementerian akan mengenal pasti kesesuaian pelaksanaan melalui siasatan tapak terlebih dahulu bagi menentukan skop dan kos tertakluk kepada kelulusan peruntukan tahunan oleh agensi pusat.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : DATUK IGNATIUS DARELL LEIKING  
[ PENAMPANG ]**

**TARIKH : 7 OKTOBER 2021 ( KHAMIS )**

**SOALAN**

**DATUK IGNATIUS DARELL LEIKING** minta **MENTERI KESIHATAN** menyatakan apakah status permohonan membekal vaksin Sinopharm ke Sabah oleh Syarikat Kanger International Berhad dan adakah kebenaran telah diperoleh daripada agensi National Pharmaceutical Regulatory Agency (NPRA).

**JAWAPAN:**

Tuan Yang di-Pertua,

1. Kementerian Kesihatan tidak pernah menerima sebarang permohonan rasmi daripada syarikat Kanger International untuk pembekalan vaksin jenis Sinopharm kepada Kerajaan Negeri Sabah.
2. Berdasarkan semakan dengan pihak Bahagian Regulatori Farmasi Negara (NPRA), vaksin Sinopharm telah diluluskan pendaftarannya oleh Pihak Berkuasa Kawalan Dadah pada 16 Julai 2021 dan *Product Registration Holder* (PRH) adalah syarikat Duopharma (M) Sdn. Bhd.
3. Dalam hal ini, syarikat Kanger International hendaklah mengemukakan permohonan untuk membekalkan vaksin Sinopharm kepada Kerajaan Negeri Sabah dengan syarikat Duopharma (M) Sdn. Bhd. jika mereka berhasrat untuk berbuat demikian.
4. Semakan dalam rekod NPRA juga mendapati pihaknya tidak pernah menerima permohonan daripada Syarikat Kanger International Berhad untuk pendaftaran vaksin Sinopharm.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : DATO' NGEH KOO HAM [ BERUAS ]**

**TARIKH : 7 OKTOBER 2021 ( KHAMIS )**

**SOALAN**

**DATO' NGEH KOO HAM** minta **MENTERI KESIHATAN** menyatakan sama ada pegawai polis atau pegawai dari Kementerian Perdagangan dan Hal Ehwal Pengguna (mereka bukan pegawai yang ada kaitan dengan kesihatan) adalah orang yang diberi kuasa di bawah Akta Pencegahan dan Pengawalan Penyakit Berjangkit 1988 (Akta 342) sebelum dan selepas ia dipinda oleh Ordinan Darurat (Pencegahan dan Pengawalan Penyakit Berjangkit)(Pindaan) 2021 untuk mengeluarkan kompaun dan menerima wang kompaun yang dikenakan.

**JAWAPAN:**

Tuan Yang diPertua,

1. Untuk makluman, di bawah seksyen 3 Akta 342, Menteri boleh melantik mana-mana orang yang sesuai menjadi pegawai diberi kuasa. Sejumlah **34 agensi** telah diturunkan kuasa oleh Menteri Kesihatan di bawah seksyen 3 Akta 342 untuk menguatkuasakan Akta 342. Penurunan kuasa terkini adalah bermula 2 Ogos 2021 sehingga 31 Disember 2021.

2. Antara pegawai yang diberi kuasa adalah Pegawai Polis dan Pegawai Kementerian Perdagangan Dalam Negeri dan Hal Ehwal Pengguna (KPDNHEP) yang mana dilantik oleh Menteri di bawah seksyen 3 Akta 342 dan juga telah diturunkan kuasa oleh Ketua Pengarah Kesihatan di bawah seksyen 25 akta yang sama bagi mengkompaun apa-apa kesalahan yang boleh dikompaun.

3. Selain itu, Ketua Pengarah melalui surat penurunan kuasa terbaharu bertarikh 5 Julai 2021 telah menurunkan kuasa di bawah seksyen 25 Akta 342 kepada pegawai di 10 agensi iaitu pegawai dari Kementerian Kesihatan Malaysia (KKM), Polis Diraja Malaysia (PDRM), Jabatan Imigresen Malaysia (JIM), Kementerian Perdagangan Dalam Negeri dan Hal Ehwal Pengguna (KPDNHEP), Kementerian Perdagangan Antarabangsa & Industri (MITI), Pihak Berkuasa Tempatan (PBT), Jabatan Tenaga Kerja Semenanjung Malaysia (JTKSM), Jabatan Keselamatan dan Kesihatan Pekerjaan (JKKP), Pegawai Daerah dan terakhir adalah pegawai penguatkuasa Jabatan Pengangkutan Jalan (JPJ). Pindaan seksyen 25 Akta 452 yang dibuat di bawah Ordinan Darurat (Pencegahan Dan Pengawalan Penyakit Berjangkit) (pindaan) 2021 hanya melibatkan nilai kompaun dan tidak meminda kuasa Ketua Pengarah.

4. Pihak PDRM, Pegawai KPDNHEP dan pegawai-pegawai dari agensi lain yang diperturunkan kuasa mengkompaun di bawah seksyen 25 Akta 342 oleh Ketua Pengarah hanya boleh mengeluarkan kompaun, manakala proses rayuan dan bayaran perlu di jelaskan di pejabat kesihatan. Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : PUAN VIVIAN WONG SHIR YEE  
[ SANDAKAN ]**

**TARIKH : 7 OKTOBER 2021 ( KHAMIS )**

**SOALAN**

**PUAN VIVIAN WONG SHIR YEE [ SANDAKAN ]** minta **MENTERI KESIHATAN** menyatakan bilakah Kerajaan bercadang untuk memulakan pemberian vaksinasi COVID-19 untuk mereka yang berusia 12 tahun dan ke atas bagi memastikan sekolah-sekolah di seluruh Malaysia dapat dibuka semula dengan selamat.

**JAWAPAN**

Tuan Yang di-Pertua,

1. Program Imunisasi COVID-19 Kebangsaan Remaja (PICK-Remaja) adalah bermula pada 8 September 2021 dengan menyasarkan seramai 3.2 juta remaja berumur 12 hingga 17 tahun. Kelulusan pemberian vaksin COVID-19 adalah kepada semua remaja yang genap berusia 12 tahun mengikut tarikh lahir hingga 17 tahun sahaja layak menerima vaksin COVID-19 pada tahun ini.

2. PICK-Remaja ini telah dimulakan di Sarawak pada 8 September 2021 dan Wilayah Persekutuan Labuan pada 11 September 2021 memandangkan kedua-dua negeri telah mencapai 80% liputan imunisasi COVID-19 dalam kalangan dewasa. Bagi negeri-negeri lain, program telah dimulakan pada 15 September 2021. Keutamaan diberikan kepada remaja berumur 16 dan 17 tahun dan seterusnya akan diperluaskan kepada remaja berumur 12 hingga 15 tahun. Sekian, terima kasih.



**PEMBERITAHUAN PERTANYAAN JAWAB LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN EMPATBELAS**

---

**PERTANYAAN : JAWAB LISAN**

**DARIPADA : YB TUAN KHOO POAY TIONG (KOTA MELAKA)**

**TARIKH : 7 OKTOBER 2021**

**SOALAN**

**TUAN KHOO POAY TIONG [KOTA MELAKA]** minta **MENTERI DALAM NEGERI** menyatakan berkenaan dengan kenyataan Menteri Dalam Negeri bertarikh 11 April 2014 atas isu pemegang pasport British Overseas Citizen (BOC), berapa jumlah pemegang pasport tersebut yang telah diberi Pas Residen dan Permit Masuk/Taraf Pemastautin Tetap sejak tahun 2014.

**JAWAPAN**

Tuan Yang Di Pertua,

Untuk makluman Ahli Yang Berhormat, pemegang Pasport *British Overseas Citizen* (BOC) merupakan warganegara Malaysia yang telah memilih untuk melepaskan taraf kewarganegaraan Malaysia bagi membolehkan mereka memohon dan dipertimbangkan sebagai warganegara United Kingdom. Pada 4 Julai 2002, Pindaan British Nationality Act 1981 (BNA 1981) telah menetapkan bahawa taraf kewarganegaraan United Kingdom hanya diberikan sekiranya mereka telah melepaskan atau dilucutkan kewarganegaraan Malaysia pada atau sebelum 4 Julai 2002 sahaja.

Justeru, permohonan untuk mendapatkan taraf kewarganegaraan United Kingdom oleh pemegang Pasport BOC yang telah melepaskan atau dilucutkan kewarganegaraan Malaysia pada atau selepas 4 Julai 2002 tidak akan dilayan oleh Kerajaan United Kingdom. Pemegang BOC tersebut tidak mempunyai pilihan selain dari pulang secara sukarela atau berdepan dengan tindakan undang-undang. Mesyuarat Kerja mengenai Kerjasama Imigresen antara Kerajaan Malaysia – Kerajaan United Kingdom pada April 2011 dan Februari 2013 memutuskan bahawa Kerajaan Malaysia tidak akan memberi taraf kewarganegaraan secara automatik dan hanya mengeluarkan Pas Residen bagi membolehkan mereka berada di Malaysia secara sah.

Sehingga September 2021, hanya lapan (8) orang pemegang pasport BOC telah diterima pulang oleh Kerajaan Malaysia dan dikeluarkan Pas Residen. Pengeluaran Pas Residen ini adalah selaras dengan Pekeliling Imigresen Malaysia Bil. 5 Tahun 2013 - Garis Panduan Pelaksanaan Pemberian Pas Residen Kepada Pemegang Pasport BOC yang telah Melepaskan Kewarganegaraan Malaysia Secara Sukarela dan Pulang ke Malaysia Secara Sukarela.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT  
PARLIMEN KEEMPAT BELAS**

**PERTANYAAN : LISAN**

**DARIPADA : DR. ONG KIAN MING [ BANGI ]**

**TARIKH : 7 OKTOBER 2021 ( KHAMIS )**

**SOALAN**

**DR. ONG KIAN MING [BANGI]** minta **MENTERI KESIHATAN** menyatakan hasil *Operation Surge Capacity* (OSC) di Lembah Klang dan sejauh mana keberkesanan operasi ini untuk mengurangkan jumlah kes COVID-19 di Lembah Klang.

**JAWAPAN:**

Tuan Yang di-Pertua,

1. *Operation Surge Capacity* (OSC) telah dimulakan pada bulan Julai 2021 berikutan peningkatan kes dan kematian yang mendadak di Lembah Klang dan Negeri Sembilan. Ini ditambah dengan kehadiran virus SARS-CoV-2 daripada jenis varian Delta yang lebih virulen dan merebak pada kadar 6 hingga 8 kali ganda berbanding varian asal dari Wuhan dan peningkatan kadar kemasukan ke wad ICU hospital dan Pusat Kuarantin dan Rawatan COVID-19 melebihi 100%.

2. Berikutan daripada keadaan ini, *Operation Surge Capacity* (OSC) telah dilaksanakan yang mana bekalan vaksin telah ditambah kepada tiga (3) buah negeri terlibat untuk mencapai sasaran 100% pemberian vaksin kepada populasi sasaran yang berdaftar terutama di kawasan berisiko tinggi bagi tujuan mengawal wabak.

3. Pada hari terakhir pengoperasian OSC iaitu 31 Julai 2021, Lembah Kelang telah mencatatkan pemberian vaksin kepada populasi dewasa sehingga **92.7%** bagi dos 1 dan **35.7%** telah menerima lengkap kedua-dua dos vaksin COVID-19.

4. Berhubung keberkesanan OSC untuk mengurangkan jumlah kes COVID-19 di Lembah Klang, dapat dilihat daripada segi penurunan:

- (i) kadar kemasukan ke wad daripada 89% (pada 1 Ogos 2021) kepada 74% pada 15 September 2021.
- (ii) kadar kemasukan ke ICU sehingga daripada 99% (pada 1 Ogos 2021) kepada 81% pada 15 September 2021.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS**

**PERTANYAAN : LISAN**

**DARIPADA : TUAN NGA KOR MING  
[ TELUK INTAN ]**

**TARIKH : 7 OKTOBER 2021 (KHAMIS)**

**SOALAN**

**TUAN NGA KOR MING** minta **MENTERI KESIHATAN** menyatakan secara terperinci berapakah jumlah sebenar duit Kerajaan telah dibelanja untuk pembelian vaksin COVID-19 dan bilangan vaksin mengikut jenama vaksin. Senaraikan juga jumlah vaksin yang diderma oleh negara-negara luar kepada negara kita.

**JAWAPAN**

**Tuan Yang di-Pertua,**

1. Sebanyak 87.9 juta dos vaksin telah ditempah oleh KKM melalui Fasilitas COVAX dan secara rundingan terus dengan beberapa pengeluar vaksin COVID-19 yang melibatkan implikasi kewangan sebanyak **RM4.64 billion meliputi kos vaksin dan logistik vaksin**. Perincian perolehan vaksin COVID-19 adalah seperti berikut:

BIL	PENGELUAR	BIL. DOS	LIPUTAN POPULASI
1.	<b>COVAX Facility</b> AstraZeneca	<b>6.4 juta</b> (2 dos/seorang)	<b>10%</b> (3.2 juta penduduk)
2.	<b>Pfizer &amp; BioNTech</b> (BNT162b2)	<b>44.8 juta</b> (2 dos/seorang)	<b>70%</b> (22.4 juta penduduk)

**SOALAN NO : 75**

3.	<b>AstraZeneca /</b> University of Oxford (AZD1222)	<b>6.4 juta</b> (2 dos/seorang)	<b>10%</b> (3.2 juta penduduk)
4.	<b>Sinovac</b> Biotech Ltd./Pharmaniaga Lifescience Sdn. Bhd. (CoronaVac)	<b>20.4 juta</b> (2 dos/seorang)	<b>31.88%</b> (10.2 juta penduduk)
5.	<b>CanSino</b> Biologics Inc. (AD5- nCOV)	<b>3.5 juta</b> (1 dos/seorang)	<b>10.94%</b> (3.5 juta penduduk)
6.	<b>Gamaleya</b> (Sputnik V)	<b>6.4 juta</b> (2 dos/seorang)	<b>10%</b> (3.2 juta penduduk)
<b>JUMLAH</b>		<b>87.9 juta dos</b>	<b>142.82%</b> <b>(45.7 juta penduduk)</b>

Nota:

- i) Data dikemaskini hingga 13 September 2021.
- ii) Gamaleya – Tertakluk kepada kelulusan pendaftaran vaksin yang diterima daripada NPRA dan PBKD.

2. Dalam masa yang sama, Kerajaan Malaysia telah menerima sumbangan vaksin COVID-19 daripada beberapa buah negara seperti pecahan berikut:

<b>BIL.</b>	<b>NEGARA</b>	<b>JENIS VAKSIN</b>	<b>JUMLAH DOS</b>	<b>KOS LOGISTIK</b>	<b>TARIKH PENERIM AAN</b>
1.	Jepun	AstraZeneca (AZD1222)	998,400	RM2,307,444.18 (Pharmaniaga Logistics Sdn. Bhd.)	1 Julai 2021

**SOALAN NO : 75**

2.	Amerika Syarikat	COMIRNATY® (PFIZER-BIONTECH)	1,000,350	Ditanggung oleh Pfizer (Malaysia) Sdn. Bhd.	5 Julai 2021
3.	China	SinoVac (CoronaVac)	500,000	RM2,800,000.00 (Pharmaniaga Logistics Sdn. Bhd.)	16 Julai 2021
4.	United Kingdom	AstraZeneca (AZD1222)	415,000	RM659,850.00 (Pharmaniaga Logistics Sdn. Bhd.)	3 Ogos 2021
<b>JUMLAH</b>			<b>2,913,750</b>	<b>RM5,767,294.18</b>	

3. Kerajaan Malaysia turut dijangka menerima sumbangan daripada Kerajaan Singapura dan Arab Saudi yang mana masih dalam peringkat perbincangan seperti berikut:

BIL.	NEGARA	JENIS VAKSIN	JUMLAH DOS
1.	Singapura	COMIRNATY® (PFIZER-BIONTECH)	100,000
2.	Arab Saudi	AstraZeneca (AZD1222)	1,000,000
<b>JUMLAH</b>			<b>1,100,000</b>

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT PERTAMA, PENGGAL KE EMPAT,  
PARLIMEN KEEMPATBELAS**

**PERTANYAAN : JAWAB LISAN**

**DARIPADA : TUAN CHANG LIH KANG [ TANJONG MALIM ]**

**TARIKH : 7 OKTOBER 2021 (KHAMIS)**

**SOALAN**

**TUAN CHANG LIH KANG [ TANJONG MALIM ]** minta **MENTERI DALAM NEGERI** menyatakan status siasatan kes Dato Sri Nicky Liow, serta 34 anggota polis yang didakwa “dibela” oleh beliau. Apakah tindakan yang diambil terhadap anggota polis yang terlibat.



**JAWAPAN**

Tuan Yang Di Pertua,

Terdapat tiga (3) kertas siasatan telah dibuka oleh pihak Polis Diraja Malaysia (PDRM) berkaitan kes suspek yang dinyatakan tersebut serta beberapa orang anggota polis yang didakwa terlibat dengan kes ini. Jabatan Siasatan Jenayah Komersil (JSJK) telah menjalankan siasatan di bawah Seksyen 130V – 130ZB Kanun Keseksaan iaitu jenayah terancang.

Bagi siasatan pertama, seramai 48 orang ahli sindiket dan 3 anggota penguatkuasa telah ditangkap untuk siasatan lanjut. Hasil siasatan telah membawa pertuduhan ke atas 18 orang individu pada 9 April 2021 di bawah seksyen 130V dan 130W Kanun Keseksaan iaitu kesalahan menganggotai kumpulan jenayah terancang dan membantu kumpulan jenayah terancang. Walau bagaimanapun, pada 30 September 2021 kes telah diputuskan DNAA (dilepaskan tanpa dibebaskan). Kes masih dalam siasatan lanjut dan tindakan susulan adalah berdasarkan pandangan lanjut Jabatan Peguam Negara.

Siasatan kedua juga disiasat di bawah Seksyen 130V – 130ZB Kanun Keseksaan. Seramai sembilan (9) orang pegawai penguatkuasa yang merupakan pegawai polis telah ditahan untuk siasatan lanjut.

Siasatan ketiga adalah kes melibatkan Op Pelican 3.0 “Geng Nicky”. Kes disiasat di bawah Sek 4(1) Akta Pencegahan Pengubahan Wang Haram, Pencegahan Pembiayaan Keganasan Dan Hasil Daripada Aktiviti Haram (AMLATFPUAA) 2001 iaitu kesalahan terlibat dengan pengubahan wang haram. Seorang suspek telah ditahan untuk siasatan. Setakat ini, kertas siasatan berkenaan telah dirujuk kepada Jabatan Peguam Negara pada 26 Julai 2021 bagi tujuan nasihat dan pandangan untuk tindakan selanjutnya.

Yang Berhormat, memandangkan kesemua kes masih belum selesai, Kementerian tidak berhasrat untuk mengulas lanjut bagi tidak mengganggu siasatan dan proses perundangan.

**PEMBERITAHUAN PERTANYAAN LISAN DEWAN RAKYAT  
MESYUARAT PERTAMA, PENGGAL KEEMPAT,  
PARLIMEN KEEMPAT BELAS**

---

**PERTANYAAN : LISAN**

**DARIPADA : DATO' SERI UTAMA HAJI MUKHRIZ BIN TUN  
DR. MAHATHIR [ JERLUN ]**

**TARIKH : 7.10.2021 (KHAMIS)**

**SOALAN**

**Dato' Seri Utama Haji Mukhriz bin Tun Dr. Mahathir [ Jerlun ]** minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan status terkini inisiatif pemulihan sektor dagangan kepada negeri-negeri akibat COVID-19.

**JAWAPAN**

**Yang di-Pertua,**

1. Untuk makluman Ahli Yang Berhormat, Kementerian telah menyediakan inisiatif berbentuk moratorium serta inisiatif dalam bentuk merencanakan semula aktiviti ekonomi sepanjang pandemik COVID-19.
2. Antara inisiatif berbentuk moratorium adalah seperti penangguhan pinjaman dana francais, memberi pengecualian kompaun ke atas kelewatan pendaftaran perniagaan, pengurangan kompaun bagi pembatalan nama syarikat, penangguhan tempoh pembayaran pembaharuan dan pengecualian surcay lewat bagi paten dan cap dagangan dan penepian bayaran fi pindaan nama dan alamat suatu permohonan dan pendaftaran cap dagangan.
3. Inisiatif seperti yang saya sebutkan sebentar tadi adalah bertujuan untuk mengurangkan kesan (*cushioning impact*) kepada pihak perniagaan yang terkesan akibat pandemic COVID-19.

4. Selain itu, Kementerian juga menyediakan inisiatif dalam bentuk membantu merancakkan ekonomi seperti telah menaikkan nilai ambang keberhutangan daripada RM10,000 kepada RM50,000, memperkenalkan Skim Pendaftaran Perniagaan Percuma (SPPP), pendaftaran perniagaan percuma kepada golongan OKU dan jualan produk basah di stesen minyak terpilih.

5. Kementerian juga meningkatkan keberkesanan penyampaian melalui memudah cara proses permohonan lesen, memendekkan proses pengeluaran permohonan baharu dan pembaharuan permit barang kawalan serta melanjutkan tempoh sah pemegang permit barang kawalan.

6. Suka saya ingin menjelaskan di sini bahawa inisiatif yang disediakan tidak khusus kepada mana-mana negeri. Walau bagaimanapun, dengan mengambil semangat “Keluarga Malaysia” Kementerian sedia membantu semua pihak yang terkesan untuk kembali bangkit daripada kesan penularan pandemik COVID-19 yang memberi kesan bukan sahaja kepada rakyat Malaysia, malah juga kepada pihak peniaga terutama dalam sektor peruncitan.

Sekian, terima kasih.